

**BIWO CHERIF NAN PALM BEACH COUNTY
DEPATMAN KOREKSYON**

**PRIZONYE
RÈG AK RÈGLEMAN**



Se pou ou manyèl sa a sou règ prizon an. Ou responsab manyèl sa a e fòk ou remèt li yon fwa yo lage w. W ap gen pou kenbe manyèl la ak ou si w ta gen yon transfè nan yon lòt prizon PBSO. Y ap kenbe w responsab si w dezobeyi règ sa yo.

PBSO #0307

A.	ÒGANIZASYON	4
A-1.	OBJEKTIF	4
A-2.	PRIZON	4
B.	SANITASYON AK IJYÈN	4
B-1.	ABITASYON	4
B-2.	IJYÈN PÈSONÈL	5
B-3.	SÈVIS SWEN CHEVE	7
C.	PWOPRIYETE AK KOURYE PRIZONYE	7
C-1.	ZAFÈ PÈSONÈL PRIZONYE YO	7
C-2.	ATIK PÈSONÈL OU KA KENBE AK OU	7
C-3.	LAJAN LIKID	8
C-4.	KOURYE	10
D.	REKLAMASYON AK ZAFÈ JIDISYÈ	12
D-1.	AVOKA AK DEFANS PIBLIK	12
D-2.	KOURYE PRIVILEJYE	12
D-3.	SÈVIS NOTÈ	12
D-4.	PWOSESIS REKLAMASYON	12
D-5.	RESTORE DWA SIVIL	14
E.	SEKIRITE AK KONTWÒL	14
E-1.	KLASIFIKASYON	14
E-2.	BRASLÈ IDANTIFIKASYON	14
E-3.	PREZANS	14
E-4.	KONTREBANN	14
E-5.	FOUY	15
E-6.	DEPATMAN CHEN	15
E-7.	LOJMAN AK SIPÈVIZYON DIRÈK	15
E-8.	LOJMAN AK DIREKSYON ESPESYAL	16
E-9.	KÒD VESTIMANTÈ	17
F.	PWOSESIS NAN SITIYASYON IJAN	18
F-1.	SEKIRITE DIFE	18
F-2.	EGZÈSIS EVAKYASYON	18
F-3.	RÈGLEMEN SOU FIMEN	18
G.	GRAM AK SÈVIS	18
G-1.	FÒMILÈ DEMANN POU PRIZONYE	18
G-2.	PRIZONYE AK ENFIMITE	18
G-3.	SÈVIS MEDIKAL, DAN AK NOURITI AK SWEN MANTAL	19
G-4.	SÈVIS REPA	21
G-5.	KONSÈY AK SÈVIS RELIJYON	21
G-6.	VIZIT	21
G-7.	REKREYASYON	21
G-8.	TELEFÒN	22
G-9.	TELEVIZYON	22

G-10.	KANTIN	23
G-11.	BIBLIYOTÈK POU LEKTI	23
G-12.	BIBLIYOTÈK LEGAL	23
G-13.	KONSÈY POU LÈ YO LAGE W	23
G-14.	PWOGRAM EDIKASYON	24
G-15.	SWEN TIMOUN AK PLANIN (SÈLMAN POU PRIZONYE FI)	24
G-16.	PWOGRAM TRAVAY	24
G-17.	MARYAJ	25
G-18.	LANMÒ YON FANMI	25
G-19.	NOTIFIKASYON YON PARAN PWÒCH	25
G-20.	FRÈ PRIZONYE PEYE POU VIV AK PWOSIS	25
G-21.	MOUVMAN PRIZONYE	25
G-22.	GWOUPE POU EDE TÈT OU	26
G-23.	PWOGRAM POU MOUN K AP VOTE	26
G-24.	PWOGRAM KAT OTOBIS	26
G-25.	METRIZE KÒLÈ	26
G-26.	PWOGRAM SEKIRITE SOSYAL	26
G-27.	KAT DIDANDITE POU ANTRE ANKÒ NAN KOMINOTE A	27
G-28.	KREDI POU AMANN AK FRÈ	27
H.	DISIPLIN AK KONPÒTMAN PRIZONYE	27
H-1.	KONPÒTMAN	27
H-2.	REGLÈMAN	27
H-3.	RAPÒ DISIPLINÈ, IJMAN, SAKSYON AK PWOSIS	29
I.	ENFÒMASYON SOU ATAK SEKSYÈL	37
I-1.	ATAK SEKSYÈL	37
I-2.	POU EVITE YON ATAK SEKSYÈL	38
I-3.	KISA POU FÈ SI YON MOUN VYOLE W	39
I-4.	ENFÒMASYON POU PRIZONYE KI VYOLE LÒT PRIZONYE	39
I-5.	SI W GEN PWOBLEM KONTWOLE AKSYON W YO	40
I-6.	POU REDYI SANTIMAN KOLÈ OUBYEN AGRESYON IMEDYA	40
I-7.	ÈSKE W KONNEN	40
J.	PA FÒ NAN ANGLÈ	40
J-1.	RÈGLEMAN SOU MOUN KI PA FÒ NAN ANGLÈ (LEP)	40

A. ÒGANIZASYON

A-1. OBJEKTIF

Ojektif biwo depatman koreksyon pou sherif konte Palm Beach se ofri yon anviwònman san danje epi ki gen sekirite pou anplwaye ak prizonye nou yo ki vle di garanti gen lòd nan isit la tout tan. Fonksyon depatman ofri kominote a ak sitwayen Palm Beach County sipò dirèk lè yo ofri sèvis koreksyon san danje, efikas epi konpetan nan sipò objektif pou prizonye yo gen yon retou viktorye epi pwodiktif nan sosyete a.

A-2. PRIZON

Biwo cherif nan Palm Beach County dirije de (2) prizon nan konte a. Twa prizon sa yo, se :

SANT PRIZON PRENSIPAL

3228 Gun Club Road
West Palm Beach, Florida

SANT PRIZON LWÈS

38811 James Wheeler Way
Belle Glade, Florida

NOTE BYEN : Se adrès kote prizon yo ye men se pa adrès kote pou voye kourye.

B. SANITASYON AK IJYÈN

B-1. ABITASYON

Selil oswa dòmitwa kote yo mete w la se li yo rele lojman w. Y ap ba w ekipman netwayaj pou w ka kenbe lojman w. Depite responsab pou selil oswa dòmitwa a ap enspekte li chak chanjman anplwaye, men omwen yon fwa pa jou. Lojman ki pa sanitè ap blije resevwa aksyon disiplin.

- Se oumenm ki responsab pou kabann pa w lan toujou ranje lè se pa lè pou dòmi.
- Fò pa janm bloke limyè ak fenèt. Nou pa otorize w mete materyèl sou limyè oswa sou fenèt.
- Fòk ou kenbe planche lojman w lan pwòp, chèch epi san oken sibstans danjre atè a.
- Fòk poubèl ak fatra jete epi netwaye omwen yon fwa pa jou.
- Ou pa gen dwa mete okenn bagay ni nan bawo ni ant bawo selil yo.
- Mi yo dwe pa gen anyen sou yo. Li entèdi pou defigire mi yo.
- Fòk twalèt, irinwa, douch ak lavabo netwaye omwen yon fwa pa jou.
- Fenèt, rebò fenèt ak paravan yo fèt pou yo toujou pwòp e nan bon kondisyon.
- Ou pa ka sere manje yo sèvi w sou plato pou ka manje yo pi ta. Se sèl bagay w achte nan kantin lan ke w ka kenbe nan lojman pèsònèl ou a.

- Kite depite lojman lan konnen si w gen pwoblèm antretyen, tankou plonbri oswa limyè ki pa mache pou l ka repare yo.

B-2. IJYÈN PÈSONÈL

Se responsablite chak prizonye pou antreteni ijyèn tèt pa li. Se pou sa gen douch ak watè nan inite lojman pèsònèl yo. Prizonye ki nan popilasyon jeneral ap gen opòtinite pran yon douch chak jou.

Yon fwa yon prizonye admèt nan inite lojman yo, lap resevwa yon bwòsadan, patdantifris, savon ak atik douch. Ou ka mande yon twous endijan nan men founisè kantin nou an depi w ranpli seksyon endijan an sou yon papyè kòmman kantin lan katòz (14) jou apre w antre epi chak semèn apres. Twous endijan ou an ap delivre jou ki tabli pou kantin nan inite kote w ye a. Twous la gen :

- Premye semèn – bwòsadan, patdantifris, chanpwen, deyodoran, kreyonDezyèm semèn – patdantifris, kreyon
- Twazyèm semèn – patdantifris, deyodoran, chanpou, kreyonKatriyèm semèn – patdantifris, kreyon

Prizonye ki malere ap resevwa founiti koresponsans ansanm avèk tenm pou yo ka kominike avèk avoka pa yo a, tribinal la epi ak ofisye piblik depi yo mande pou sa epi yon fwa pa semèn pou yo kominike avèk fanmi epi zanmi.

Peryòd katriyèm (4) semèn lan, ki make anlè a, se yon woulman kap kontinye.

Ou kapab achte atik sa yo nan magazen prizon an, si gen lajan disponib nan kont ou.

W ap resevwa saouan nan inite lojman ou an oubyen ou ka achte sa oumenm pèsònèlman nan kantin inite w lan. Papyè pou ekri disponib nan menm depite inite lojman kote w ye a. Si w se endijan pou katòz (14) jou soti nan lè ou plen fòmalitye pou admisyon an ou ka mande pou rad endijan lè sa a epi ankò chak si (6) mwa apre sa, si ou kalifye, ak yon limit 2 chak ane san okenn limit nan tan wap pase nan prizon an. Twous sa yo genyen:

Gason

2 chemizèt
2 slip
2 pè chosèt
* 1 chanday

Fi

2 soutyen
2 kilòt
2 pè chosèt
* 1 chanday

*Gason ak fi resevwa 1 chanday chak de (2) zan, si yo kalifye, san okenn limit nan tan wap pase nan prizon an.

Roulo fil dantè Dantè yo pral disponib pou prizonye endijan sou demann.

Si lè w antre nan prizon an ou pa gen souvètman, seksyon pwopriyete a ap ba w yon souvètman. Yon fwa w plase nan yon depatman lòjman epi w rete endijan, w ap

resevwa pake souvètman ki make anlè a infwa ou ranpli dokiman pou demann souvètman endijan an.

Wap resevwa dra, sak pou zòrye epi sèvyèt ki va lave oubyen chanje pou lòt ki pwòp omwen yon fwa chak semèn.

W ap resevwa yon lenn k ap lave oubyen chanje pou lenn pwòp omwen yon fwa chak trimès.

W ap resevwa yon inifòm kap lave oubyen chanje pou rad pwòp omwen de fwa chak semèn.

Lesiv pèsònèl (sètadi : chosèt, souvètman, sweatshirt, ak mayo) ap lave omwen yon fwa pa semèn. Depite selil yo ap founi sak filè pou lesiv depi prizonye mande pou li e pou w sa mete vètman pèsònèl ou yo pou yo sa lave. Pa gen okenn vètman pèsònèl degrennen k ap aksepte si yo pa nan sak filè lesiv la. Pa mete nan sak filè a sèvyèt, dra, ak inifòm ajans lan distribye. Y ap sezi e yo pa p tounen remèt ba ou. Pa mete ba savon andedan sak filè yo poutèt sa ka deranje sik lavaj / rensè machin lan e y ap bay reta pou lesiv vètman pèsònèl ou tounen.

Se oumenm ki responsab pou tout kouvèti kabann ak inifòm ou resevwa. Kouvèti kabann ak/oubyen inifòm ki domaje epi/oubyen modifiye ap lakòz aksyon disiplinè.

Prizonye ki fanm ap resevwa atik ijyenik ki nesèsè.

W ap gen libète pran swen tèt ou jan ou vle, eksepte si gen enterè ki otreman ta jistifye. Jistifikasyon sa yo, jan yon chèf divizyon oubyen reprezantan detèminen sa, ka gen ladan li kondisyon sou sekirite, idantifikasyon ak swen ijyenik.

Pou pa gen chans trape enfeksyon :

- Lajounen, sèvi ak dlo epi ak savon pou lave men w plizyè fwa, sitou depi w pipi epi watè epi anvan w manje.
- Pa janm manyen blesi lòt moun, po enfekte lòt moun, oubyen pansman sal lòt moun.
- Antreteni yon bon ijyèn pèsònèl kifè douche regilyèman epi benbe kote dòmni a pwòp, epi lave dra kabann ou regilyèman.
- Pa pataje ak lòt moun atik swen ijyenik ou yo, tankou atik twalèt ak sèvyèt.
- Netwaye aparèy pou bat fè anvan kontak dirèk ak kò w oubyen itilize pwoteksyon pwòp tankou yon sèvyèt oubyen yon chemiz pou pwoteksyon pò w ak ekipman egzèsis yo.
- Douche depi li posib apre patisipasyon nan aktivite espò kote w vin an kontak pwòch ak lòt moun.
- Pa mete tatou lè w nan prizon, itilize dwòg nan piki, oubyen kontak seksyèl ak lòt prizonye yo.
- Kouvri tout blesi oubyen po ki koupe epi mande pou wè ak doktè.

B-3. SÈVIS SWEN CHEVE

W ap jwenn sizo pou cheve ak zong nan men depite inite lojman kote w ye a. Yon fwa w fini sèvi ak aparèy la ou dwe pou netwaye li byen pwòp epi tounen li bay depite responsab lojman w lan. Tout prizonye k ap koupe cheve gen pou espere sizo a ak yon dezenfektan apre chak fwa w sèvi ak li. PA GEN EKSEPSYON!

C. PWOPRIYETE AK KOURYE PRIZONYE

C-1. ZAFÈ PÈSONÈL PRIZONYE YO

Lè w te antre nan prizon an, yo te ekri zafè pèsonèl ou nan yon fòmilè ki rele RESI POU ZAFÈ PÈSONÈL PRIZONYE A. Ou te resevwa yon kopi – KENBE RESI SA A.

Li posib pou yo te pran zafè pèsonèl ou lè yo te arete w lan pou mete zafè pèsonèl sa nan evidans. Lapolis ki te arete w la gen pou li ba w yon resi ki reprezante yon prèv. Nou pa ka resevwa zafè pèsonèl ou yo pou ou.

Chak zafè pèsonèl tankou rad, ki otorize pou yo kenbe yo, ap dokimante sou resi zafè pèsonèl nan prizon an e w ap ka kenbe yo ak ou.

C-2. ATIK PÈSONÈL OU KA KENBE AK OU

Sèl zafè ki distribye obyen ke Administrasyon prizon yo otorize ak nenpòt bagay ki otorize oubyen ki achte nan kantin lan, jis nan maksimòm ki make pi devan an, ap pèmèt nan depatman lojman ou an, amwenske Chèf divizyon deside lòt yon lòt bagay.

- (2) Pè chosi ki distribye (klòg ak bòt travay pou prizonye)
- (1) Pè chosi pèsonèl (ki sèlman achte nan kantin lan)
- (1) Pè sapat pou douch
- (4) Pè chosèt
- (4) T-shirt
- (4) Pè nenpòt kalite souvètman men pa souvètman tèmal.
- (1) Pè echòt pou espò
- (2) Soutyen san baz metal (sèlman pou fi)
- (2) Swètchèt
- (1) P.B.S.O. Inifòm ki distribye
- (1) Peny (piti/plastik, san manch)
- (1) Bwòs (piti/plastik, san manch)
- (2) Chak atik ijyèn (youn k ap sèvi epi yon nèf): Deyodoran, chanpyen, patdantifris, bwòsadan, elatriye.
- (1) Pè linèt/lantiy ka gen yon dezòm pè linèt pou lekti ki disponib sèl swa nan men doktè oswa ki achte nan kantin lan. Ka gen yon preskripsyon pou lantiy kontak, sèl ak otorizasyon medikal.
- (3) Jwèt (jwèt echèk, jwèt dam oubyen jwèt kat)
- (4) Liv (tankou liv sou relijyon)
- (2) Jounal
- (3) Foto fanmi (pa foto Polaroid)

- (1) Kanè dadrès (san relyi metal)
- (3) Plim
- (24) Kreyon koulè
- (1) Tapi pou priye oubyen sèvyèt siplemantè ke pastè a akseptè
- (2) Pakè oubyen resipyan chak kantin medikaman ki vann san preskripsyon

- *** Medikaman ke Medicaid otorize
- *** Bouton oswa braslè Medical alert
- *** Aparèy òtopedik, pansman, baton, bekiy, etc., avèk otorizasyon medikal

Tout bagay anplisde kantite ki pèmèt oubyen tout bagay ki modifiye oubyen pa byen itilize ap konfiske pou kontrebann e y ap jete.

NOTE BYEN : Tout T-Shirt, swètchèt ak pantalon jimnastik fèt pou tou blan oubyen tou gri san OKENN ekriti, pòch, logo, kagoul ak zip.

Pou idantifye bagay pèsònèl ou, ekri non w ak nimewo kaz ou anndan kòl oubyen senti tout zafè w yo.

NOTE BYEN : N ap mete tout lòt bagay ou yo nan konpatman bagay pèsònèl ou. Ou ka fè yon deman pou bagay pèsònèl ou ta renmen kenbe nan lojman w lan. Seksyon zafè pèsònèl la ap egzaminen demann w lan e se afon li va fouye zafè pèsònèl ki otorize. N ap akseptè yon sèl demann pou zafè pèsònèl ki nan konpatman prizonye ou.

C-3. LAJAN LIKID

Tout lajan ou pote nan prizon an oswa lajan moun voye pou ou ap kenbe nan yon kont pou prizonye.

Biwo finans / zafè pèsònèl ap ouvri yon kont pou ou. Tout depo ak retrè (frè pou viv, kèk frè pou sèvis medikal, acha nan kantin ak transfè bay moun andeyò) make nan òdinatè pou ka gen yon dosye pèmanan disponib.

Tout lajan yo te pran nan men w lè yo te arete w, ki te reprezante prèv, ap rete nan men ajans lan ki te arete w. Nou pa ka resevwa lajan sa a pou ou.

Li entèdi pou fè transfè lajan ak bagay ki gen valè ant prizonye yo e y ap konsidere tankou kontrebann. Nou pa remèt ou zafè kontrebann.

Nou p ap janm akseptè okenn lajan pou ou, sofsi lajan an rive nan yon metòd ki otorize.

Metòd apwouve yo enkli: sèvis lapòs, Cobra Cashier Kiosk ak Koreksyon nan aksè.

SÈVIS LAPÒS: Lajan ke w resevwa atravè sèvis lapòs dwe nan fòm yon money order oswa yon chèk gouvènman. Nou pa akseptè chèk pèsònèl oswa chèk biznis.

Nou pa chanje lajan, money order ak retrè sòti nan peyi etranje. Nap refize tout lajan nan kalite sa a e nap retounen yo bay moun ki voye l la. Nou selman chanje lajan U.S., money order oswa chèk ki soti pa bò isit, leta ak gouvènman federal la. Fanmi w ak zanmi w pa ta dwe voye lajan kach pa lapòs la. Nou pap responsab anyen si lajan yo ta voye pa lapòs la ta rive pèdi.

COBRA CASHIER KIOSK – Kiyòk yo nan tout salon vizitè yo. Sant Videyo Vizitasyon an aksesib sèlman pandan lè visit yo (11:00 am rive nan 9:00 pm Jedi jouk Dimanch). Prensipal Sant Detansyon an ak Sant Detansyon Lwès la aksesib ven-katrèdtan sou ven-kat, sèt jou sou sèt. Aparèy lan ap aksepte kach, kat kredi ak kat debi. Sistèm sa a fè depo lajan nan kont prizonye a kifè lajan an ap disponib san pèdi tan pou acha nan kominsè a.

- **KOREKSYON NAN AKSÈ** : Sèvis sa a pèmèt moun voye ba w nan prizon an yon depo lajan depi nenpòt ki kote nan peyi a nan lespas detwa minit pou w itilize pou achte zafè komisyon. Sèvis sa a disponib nan www.accesscorrections.com oubyen nan telefòn nan 866-394-0490. Sèvis la aksepte kat kredi ak kat debi ki gen logo MasterCard oubyen Visa sou yo. Se pou fanmi ak zanmi konnen NIMEWO JACKET prizonye a ak **TOUT NON LI SÈVI NAN PRIZON AN**
- Lokal (Florida – WPB - Biwo cherif nan Palm Beach County)
- Depo ka fèt 24 sou 24, 7 jou sou 7

GOVPAYNOW – Sèvis sa a pèmèt yon moun peye yon GARANTI adistans dé nenpòt kote nan peyi a. Sèvis sa a disponib nan www.GovPayNow.com oswa pa telefòn nan 877-392-2455.

- Kòd peman Prensipal Sant Detansyon an sé 7020
- Kòd peman Sant Detansyon Lwès la sé 7021
- Fanmi ak zanmi fèt pou konnen NIMEWO JACKET prizonye a, **NON KONPLÈ LÈ YO TÉ ARETE LI, NIMEWO ANREJISTREMAN LI, AK KANTITE EGZAK LAJAN PEMAN GARANTI A.**

Pou peye peman bon siplas la nan GovPayNow :

- Main Detention Center Pay kòd lokal la se A001by
- West Detention Center Pay kòd lokal la se A001b2
- Fanmi ak zanmi dwe pou yo konnen nimewo jakèt prizonye a, tout non prizonye li a, nimewo anrejistreman an, ak montan egzak peman bon an

Lajann kontrebann ap gen menm konsekans ak tout lòt kontrebann ki jwenn sou yon prizonye. N ap ranpli yon resi pou prèv epi n ap remèt li bay yon anketè prizon pou akizasyon kriminèl epi pou alenasyon kriminèl ki posib.

Tout depo lajan ap gen dediksyon lajan prizonye a dwe prizon an (SAN PA BLIYE LAJAN POU GARANTI).

C-4. KOURYE

Ou gen dwa ekri kantite lèt ou vle ekri. Nou ankouraje w ekri zanmi w ak fanmi w. Papye pou ekri disponib nan menm depite lojman kote w ye a. Prizonye malere ki twòke founiti korespondans, anvlòp oswa tenm, epi / oubyen abize privilèj korespondans sa, yo resevwa nan frè prizon an, ap gen pou obeyi mezi disiplinè. Anvlòp ki prale andeyò isit peyi Etazini gen pou l pase nan lapòs prizon an pou distribisyon. SI NON W, NIMEWO SELIL OU AK NIMEWO JAKÈT OU PA SOU ANVLÒP LA, N AP TOUNEN LÈT LA BAY OU POU W KORIJÈ SA.

Tout lèt ki ekri pou ale andeyò prizon an ap louvri pou enspeksyon.

Anvan ke lèt ki va distribye andeyò prizon delivre nan lapòs, n ap mete yon so sou lèt sa yo ki di :

ATANSYON : SE YON MOUN NAN PRIZON PALM BEACH COUNTY KI VOYE LÈT SA A. LÈT PRIZONYE YO EKRI PA KONTWOLE. CHERIF LA PA RESPONSAB POU SA KI EKRI NAN LÈT LA.

Pou anpeche gen reta nan livrezon kourye, se pou bay moun ou yo bon adrès pou prizon kote ou ye a. Adrès yo make la :

Main Detention Center
KI JAN PRIZONYE AN RELE _____
CELL # _____ JACKET # _____
P.O. Box 1450
West Palm Beach, Florida 33416

West Detention Center
KI JAN PRIZONYE AN RELE _____
CELL # _____ JACKET # _____
P.O. Box 24716
Belle Glade, Florida 33430

SI NON W, NIMEWO SELIL OU AK NIMEWO JACKET OU PA SOU ANVLÒP LA, N AP VOYE TOUNEN KAT POSTAL LA BAY MOUN KI VOYE KAT POSTAL LA. Nou ka voye kourye tounen tou si nou lage w oswa si w gen yon transfè nan yon lòt prizon. Tout kourye nou resevwa, eksepte kourye jidisyè ak lòt kourye espesyal ki apwouve, dwe sou fòm kat postal. Kat postal la ap fotokopye e kopi a ap livre ba ou nan inite selil kote w ye a. Kat postal orijinal la ap plase nan pwopriyete w la e ap remèt ba ou lè w lage.

- A. Kalite kat postal n ap aksepte :
1. Kat postal yo pa dwe pi piti pase 3.5 pous pa 5 pous
 2. Kat postal yo pa dwe pi gran pase 4.25 pous pa 6 pous
 3. Kat postal yo dwe yon sèl koulè - san foto, desen ak liy sou yo

4. Moun ki voye kat postal dwe ekri alamen oubyen sou òdinatè swa avèk ank ble owa avèk ank nwa
- B. Kalite kat postal ki pa aksepté :**
1. Depaman
 2. Plastik oubyen anbalaj sou kat postal yo
 3. Kat postal ki gen mak penti, kreyon oubyen makè
 4. Kat postal ki gen etikèt oubyen otokolan sou yo
 5. Kat postal ki gen tach dlo oubyen lò tach sou yo
 6. Kat postal ki gen nenpòt danje byoloji, tankou pafen ak woujalèw
 7. Kat postal ki gen foto moun toutouni, zam epi enfòmasyon sou gang
 8. Kat postal ki gwo

Egzanp bagay ki kenbe :

- Enfòmasyon pou fabrike eksplozif, dwòg ak lòt sibstans ilegal
- Materyèl ki pwomouvwa vyolans nan prizon an
- Materyèl ki koze vyolans oubyen lòt gwo pwoblèm nan sekirite prizon an
- Materyèl ki pwomouvwa diskriminasyon poutèt ras, relijyon oubyen poutèt nasyonalite
- Materyèl ki ankouraje konpòtman seksyèl ki konpòtman kriminèl epi/oubyen ki gen enfraksyon règleman prizon an

Ou ka sèlman resevwa liv bwoche, jounal epi/oubyen enprimri ke konpayi edisyon an distribye.

Li posib pou voye lajan pou prizonnye a nan yon anvlòp e se pou mete adrès prizon an sou anvlòp la e se pou make tou non ak nimewo jakèt prizonnye a. LAJAN LIKID PA PA AKSEPTÉ. Tout korespondans tankou chèk, money order ak lòt kourye ki otorize, pa p delivre bay prizonnye a. Se pou lajan an nan youn nan fòm sa yo:

- Money orders
- Chèk ajans gouvènman voye

Chèk prizon ak kazèn prive voye epi ki peye an dola ameriken

VisMail – Imel : Ou ka resevwa imel nan adrès imel ki dokimante nan dosye nou yo. Moun k ap voye imel ba ou fèt pou l dokimante nan sistèm vizitè sa a

<https://jailvisit.pbso.org>. Sèvis sa a se yon sèvis imel sans inik ki aksepté imel k ap menm distribisyon ak lòt ou resevwa pa lapòs. Moun k ap ekri imel la gen pou l achte tenm vityèl nan sistèm vizitè ki make la a. Konnen nou gen dwa pou li imel yo.

D. REKLAMASYON AK ZAFÈ JIDISYÈ

D-1. AVOKA AK DEFANS PIBLIK

Si w ta bezwen antre an kontak ak Public Defender's Office (biwo defans piblik), ou ka swa ekri yo oswa rele yo :

East Coast Region:

Biwo defans piblik

421 3rd Street

West Palm Beach, Florida 33401

Telefòn: (561) 355-7500

Belle Glade Region:

Biwo defans piblik

2976 State Road #15

Belle Glade, Florida 33430

Telefòn: (561) 996-4880

Pa mande okenn anplwaye prizon an rekòmande w yon avoka poutèt li entèdi pou nou fè sa. Ou ka rele oswa ekri ajans sa a pou ede l jwenn yon avoka :

Lawyer Referral Service of the Palm Beaches

County Bar Association

1601 Belvedere Rd.

West Palm Beach, Florida 33406

Phone: (561) 687-3266

Nou gen sal konsiltasyon prive isit la nan prizon an kote w ka diskite ka w lan ak avoka w lan.

D-2. KOURYE PRIVILEJYE

Kourye privilejye vle di kourye avoka w lan, yon tribinal oswa ofisye sèvis piblik ekri w. Kourye privilejye ap louvri devan w amwenske ou ekri yon lèt pou di li pa nesesè.

Nou p ap ouvri kouryeprivilejye ke oumenm ekri, men nou ka kenbe kourye privilejye pandan yon sèten tan rezonab, ki p ap plis pase swasantdouz (72) è, pou n verifie moun oswa adrès ajans lan ki sou anvlòp la.

D-3. SÈVIS NOTÈ

Ou gen sèvis notè disponib pou ou nan men sèjan lojman ou an. Sèvi ak fòmilè demann prizonye a pou fè yon demann pou li.

D-4. PWOSESIS REKLAMASYON

Si w gen yon plent ou ta renmen pote, kite depite lojman w lan konn sa. Si depite a pa ka rezoud pwoblèm lan, alò, lè sa a, kite sèjan oswa lyetnan desèvis la konn sa. Si w fè machasyiv sa yo san ke pwoblèm lan rezoud, gen yon pwosesis reklamasyon

nan prizon an pou rezoud plent prizonye yo. Fòmilè reklamasyon disponib nan menm depite lojman kote w ye a.

Yon fwa w resevwa fòmilè reklamasyon an, ekri yon deskripsyon plent ou an nan seksyon rezève pou li. Eksplike pwoblèm lan, dat ou te gen pwoblèm lan, ak kijan anplwaye an rele (si genyen) ki enplike tou. Epitou, ekri non tout anplwaye ou te kontakte pou eseye rezoud pwoblèm lan. Remèt plen lan nan lespas sèt (7) jou apre dat pwoblèm lan, sof si li enposib pou fè nan pandan peryòd sa a. W ap resevwa yon repons pou plent ou pote a nan lespas kenz (15) jou. Repons lan ap baze sou enfòmasyon baze espesyalman sou plent ou pote a. Reklamasyon prizonye yo p ap trete si nou detèminen ke yo : (1) frivòl, (2) egzesif oswa repetitif, (3) te reponn anvan, oubyen (4) te mal ranpli nan fòmilè a.

Si w pa kontan ak repons lan, ou gen senk (5) jou apre w resevwa repons lan pou w fè yon apèl a kòmandan divizyon an. Kòmandan divizyon an ap gen sèt (7) jou pou li reponn apèl ou a. Si w pa kontan ak repons kòmandan an, ou gen senk (5) jou apre ou resevwa repons kòmandan divizyon an pou w fè yon apèl a majò a. Se majò a ki gen desizyon final la. Ofisye prizon an ka pwolonje tan pou w resevwa repons yon plent ki ta mande anpil dokimantasyon ak anpil rechèch.

Pa gen okenn limit tan si w ta bezwen depoze yon plent konsènan yon akizasyon sou abi seksyèl. Ou kapab depoze yon plent san ou pa soumèt li bay yon anplwaye, ki kapab konsène pa plent lan e kote plent sa a pa sipoze refere ba yon manm pèsònèl ki site ladan li.

PBSO va emèt yon desizyon final sou baz byenfonde nenpòt ki pati nan yon plent kote yo pretann gen abi seksyèl nan lespas 90 jou soti nan dat ou anrejistre plent inisyal la. Kalkil peryòd 90 jou a pa dwe enkli ladan tan w pase ap prepare tout pwosedi apèl administratif yo. PBSO kapab fè demann pou yon ekstansyon pou yo reponn a plent la, jiska 70 jou.

Nan nenpòt nivo nan pwosesis administrative la, ki gen ladan nivo final la, si ou pa resevwa yon repons nan lespas tan yo bay pou jwen repons, ki ta enkli ladan li tout ekstansyon ke yo ta deja avize w pou yo, ou kapab konsidere absans repons la tankou yon refi nan nivo sa a.

Tyès pati enkli prizonye tankou w, manm pèsònèl la, manm fanmi an, avoka, ak aktivis/defansè kòz, otorize pou ede w ranpli demann pou solisyon administratif ki gen rapò ak akizasyon abi seksyèl, e yo gen dwa depoze demann sa yo sou non ou .

Ou kapab pote yon plent ki di ke ou an danje iminan zak seksyèl dwe depoze nan nenpòt ki lè nan jounen an oswa lannwit (24 èdtan sou 24 - 7 jou sou 7). PBSO dwe bay yon premye repons nan 48 èdtan, e li va pran yon desizyon final sou 5 jou kalandriye.

PBSO kapab pran mezi disiplinè kont ou poutèt ou pote yon plent ki gen rapò ak swadizan abi seksyèl sèlman kote ajans lan demontre ke ou te fè yon fo plent ki pa kanpe sou anyen.

D-5. RESTORE DWA SIVIL

If you Si w ta renmen resevwa enfòmasyon pou restore dwa sivil se pou w fè demann lan nan biwo pwogram lan.

E. SEKIRITE AK KONTWÒL

E-1. KLASIFIKASYON

Pandan pwosesis admisyon an, yon ofisye klasifikasyon ap poze w kesyon. Entèvyou sa a ap pèmèt depatman nou an detèminen bezwen lojman ki pi apwopriye ansanm ak pwogram pou ou nan moman sa a. Si nenpòt lè pèsesyon w sou vilnerabilite chanje pou kèlkeswa rezon epi w pa santi w ansekirite ankò nan lokal selil kote w ye alèkile a, tousuit avèti tanpri ofisye dètwa a.

E-2. BRASLÈ IDANTIFIKASYON

Yon fwa w rive nan prizon an, n ap mete yon braslè idantifikasyon nan ponyèt ou. Nan braslè idantifikasyon sa a ap gen non w, foto w, sèks ou, ras ou ak nimewo jacket ou a sou li. Tout prizonye nou jwenn san braslè p ap otorize pou li patisipe nan okenn pwogram, e ka resevwa aksyon disiplinè oubyen aksyon adiministrasyon jistan idantite prizonye a ka verifeye epi jistan braslè a ka ranplase.

E-3. PREZANS

N ap fè prezans yon fwa depite responsab la panse li nesèsè pou fè. Tout prizonye va suiv direksyon depite a bay. W ap montre braslè ou a depi yo mande pou w fè sa. Ou pa ka pale pandan n ap konte prizonye ki prezans sofsi nou adrese w lapawòl. Fòk limyè yo limen e fòk tout televizyon etenn. W ap gen yon aksyon disiplin kont ou si w pa kopere.

E-4. KONTREBANN

Kontrebann se tout bagay prizon an pa otorize, oswa bagay diferan pase fòm orijinal li. Bagay nou jwenn an pi gwo kantite pase kantite otorize a, ap konsidere kontrebann tou. N ap pran aksyon disiplin oswe pwosèkisyon kriminèl kont ou si w pa obeyi pwovizyon sa a. N ap konfiske tout kontrebann ou yo e n ap jete yo. Lajann kontrebann ap gen menm konsekans ak tout lòt kontrebann ki jwenn sou yon prizonye. N ap ranpli yon resi pou prèv epi n ap remèt li bay yon anketè prizon pou akizasyon kriminèl epi pou alyenasyon kriminèl.

Tout telefòn selilè ak lòt aparèy pòtab pou kominikasyon elektwonik se kontrebann yo ye depi swa yo entwodui oswa nan prizon biwo cherif Palm Beach County a. Aparèy pòtab pou kominikasyon elektwonik vle di nenpòt aparèy prizonye a mete sou li, pote epi sere, ki fèt oubyen sipoze resevwa epi voye mesaj alekri oubyen aloral, wè oubyen sere done oubyen konekte elektwonikman nan entènèt oubyen nan nenpòt lòt aparèy elektwonik, epi ki pèmèt kominikasyon oubyen sere done sou nenpòt ki fòm. Aparèy sa yo tankou, men pa sèlman:

- Pedjè pòtab
- Radyo gwochè men
- Telefòn selilè
- Aparèy telefòn avanse
- MP3 oubyen aparèy mizik
- Aparèy lekti elektwonik
- Personal digital assistants (PDA)
- Òdinatè pòtab
- Nenpòt pati nan aparèy sa yo, ki pral itilize pou fè yon nan aparèy sa yo.
- Tèm sa yo enkli tou nan nouvo teknoloji ki devlope pou objektif sanblab sa yo.

E-5. FOUY

Se yon mezi sekirite fondamantal pou nou kontwole zam ak kontrebann nan prizon an. N ap fouye prizonnye, lojman yo ak lòt zòn kantite fwa nou panse li nesèsè pou sekirite anpwlaye yo, prizonnye yo ak sekirite prizon an.

N ap fè fouy yo yon fason pou nou evite sèvi ak fòs ki pa nesèsè, yon fason pou nou pa anbarase oswa abese diyite prizonnye a.

E-6. DEPATMAN CHEN

Depatman koreksyon nan biwo sherif (Sheriff's Office Department of Corrections) Palm Beach County a gen yon departman chen lapolis nan toulède prizon koreksyon li yo. Nenpòt moun ki ekspres epi konnen yo pwovoke, anbete, jennen ak osinon eseye jennen ak lè nan rankont avèk chen lapolis, pandan ke chen an ap fè travay li se yon krim moun sa fè e krim lan ap pini dapre lwa Leta Florid.

E-7. LOJMAN AK SIPÈVIZYON DIRÈK

Sipèvizyon dirèk vle di lè pòs depite a se devan tout moun lojman an. Karakteristik pi enpòtan k ap detèmine ki prizonnye ap loje nan departman sa yo, ap konpòtman yo nan prizon an. Yon fwa yo mete w nan yon departman sipèvizè dirèk, n ap eksplike w règ sipèvizè dirèk la. Si w chwazi pa obeyi règ sa yo, n ap wete w nan departman sipèvizè dirèk la e n ap mete w yon lòt kote. Nou ka pran sanksyon disiplinè kont ou, l ap depann de ki règ ou pa obeyi. Sonje ouresponsab pou konpòtman w ak aksyon w. Depit departman an ka entwodyi disiplin enfòmèl. Disiplin enfòmèl sa a ka otorite pou mande ou rete nan zòn pèsònèl kote w dòm pandan de (2) è maksimòm. Pi ba nou bay yon lis Règ ak Règleman pou pwòpte, sanitasyon ak ijyèn anba sipèvizyon dirèk seksyon yo:

- Kabann ou an dwe byen ranje jan militè yo konn ranje yo (pwent dra a ak kouvèti a fèt pou rantrè anba matla a) nenpòt lè ou pap sèvi avèk li.
- Ou gen sèlman kenz (15) minit maksimòm pou pran yon douch. Kite basen an dwòp e byen ranje. Nou gen dwa pran douch nou nòmalman ant 8:00 am rive 10:45pm., eksepte pandan lè manje, lè netwayaj, lè yo fèmen ak lè yap fè kontwol. Benyen e netwaye tèt ou chak jou.

- Kenbe zòn kote wap viv la byen ranje e pwòp tout tan. Nou kapab fè enspeksyon nenpòt ki lè.
- Matla yo, lenn yo, dra yo ak zòrye yo pa gen dwa pa sou kabann ou nan selil la. Ou pa sipoze gen dra, lenn ak zòrye anplis sof si yo bay otorizasyon.
- Sere vètman ou yo anba matla, zòrye, oubyen nan kazye ou a ; pa kwoche yo sou kabann ou a epi pa lage yo atè a.
- Sere kantin ou a nan resipyan estokaj la.
- Tòde sèvyèt ou epi swa pann li nan Kwòk rad ou a (si genyen), oswa pliye li an de, epi pann li nan pye kabann nan pou li seche.

E-8. LOJMAN AK DIREKSYON ESPESYAL

Direksyon espesyal pou lojman enkòpore enkaserasyon administratif epi disiplinè, sipèvizyon pwotektif ak izolasyon sante mantal. Pandan nan lojman nan depatman kontwòl espesyal w ap gen opòtinite pou fè bagay sa yo, sofsi pwosede disiplinè a entèdi li :

- Pran douch epi raze omwen twa (3) fa pa semèn.
- Vizit, sofsi gen gwo rezon pou anile privilèj sa yo.
- Nou ka sèvi ak chenn pou n mare si n panse li nesèsè.
- Ekri oswa resevwa lèt menm jan ak lòt prizonye nan popilasyon jeneral.
- Dokimantasyon legal.
- Lektè.
- Privilèj itilize telefòn.
- Rekleyasyon.
- Pwogram ak sèvis.

NOTE BYEN : Ka gen jistifikasyon pou limite oswa founi aksè altènatif nan nenpòt nan opòtinite sa yo.

RÈGLEMEN POU PRIZON POUTÈT PWOBLÈM DISIPLIN

DOUCH : Lendi, mèkredi, vandredi, sèl epi pa plis pase 15 minit.

KOUTFIL : Okenn koutfil pèsònèl. Avoka ka rele ant lendi a vandredi sèl pandan orè travay. Depite ap konpoze nimewo telefòn lan epi lap verifye idantite lòt moun lan.

LIMYÈ AK FENÈT : PA janm sipoze kouvri.

PINGA EKRI SOU PÒT, FENÈT, MÈB, ELATRIYE.

KAZYÈ : Entèdi pou prizonye yo. Sèl ANPLWAYE gen dwa pran bagay yo.

BAGAY KI OTORIZE NAN SELIL YO :

- Ijyèn pèsònèl : 1 bwòsadan

- Rad :
 - 1 tib pat dantifris
 - 1 woulo papye ijyenik
 - 1 moso savon
 - 1 lakol pou fo dan
 - 1 Tampax - regilye (pou fi)
 - 1 inifòm
 - 1 pè slip
 - 1 pè sapat pou douch
- Dra :
 - 2 dra
 - 1 kouvèti zòrye
 - 1 kouvèti
 - 1 sèvyèt
- Pou lekti :
 - 1 bib oubyen Koran
 - 1 liv oubyen jounal
 - Dokimantasyon legal
 - Kat postal (fotokopi) pèsònèl apre plasman nan DC
- Kantin :
 - Anvlòp ki gen tenm ak shower slide sèl
 - **LI ENTÈDI POU GEN OKENN MANJE****
- Machandiz asòti :
 - 1 tenbal mous polistirèn
 - 1 kreyon
 - 1 Plim sekirite Flex
 - Linèt Lekti
 - Papye oubyen kanè papye pou ekri

BAGAY KI OTORIZE NAN KAZYE YO : Tout lòt bagay pou ijyèn pèsònèl ki pa make anlè a (pomad pou cheve, deyodoran, peny), 1 pè soulye prizon an, 1 pè slip ak 1 pè chosèt.

BAGAY KI PA OTORIZE NAN KAZYE YO :

- ****OKENN T-SHIRT****
- ****OKENN SWEATSHIRT****
- ****OKENN MANJE KANTIN****

Si prizonnye a nan prizon administratif, tout bagay nan kazye ap nan menm selil ak prizonnye a. Si yon prizonnye ale depi prizon administratif nan prizon disiplin, nap retire tout bagay nan selil la eksepte sa ki make anlè a ki dwe nan men prizonnye a.

E-9. KÒD VESTIMANTÈ

Inifòm ou resevwa dwe toujou byen pòte tout tan. Si w gen ak ou vètman ki te achte nan kantin lan (pantanlon kout, swètchèt, elatriye), ou ka gen pèmasyon mete yo pandan rekreyasyon, pandan w ap dòmi oswa pandan w ap fè twalèt ou, elatriye.

Fòk prizonnye byen mete inifòm yo oswa vètman apwopriye lè yo pa nan kabann yo.

Fòk tout prizonye tout gen tout inifòm lan, nan :

- Distribye repa tout prizonye yo.
- Pandan distribisyon medikaman yo.
- Pandan livrezon kourye legal ak kantin.
- Pandan echanj lesiv pwòp ak lesiv sal.
- Nenpòt lè yo kite lojman yo.
- Padan tout aktivite nan sal lajounen an.
- Pandan reyinyon ak avoka, konseye, moun k ap fè ankèt, terapèt, doktè, anplwaye sèvis relijyon, elatriye.

F. PWOSESIS NAN SITIYASYON IJAN

F-1. SEKIRITE DIFE

Sekirite dife se youn nan pi gwo pwoblèm nou nan depatman an Tout mèb ki nan lojman w lan fèt ak materyo ki pa pran dife fasil (matla, zòrye). Aparèy ki anonse lafimen, aparèy ki anonse dife, boutèy pou etenn dife plase plizyè kote nan prizon si oka ta gen yon sitiyasyon ijan. Domaje yon aparèy pou sekirite lè gen dife ka lakòz pwosekisyon kriminèl.

F-2. EGZÈSIS EVAKYASYON

Detanzantan, n ap fè, nan lojman w, egzèsis evakyasyon si ta gen dife. Nou fè egzèsis sa yo pou nou garanti sekirite w ak sekirite anplwaye yo si oka ta gen yon ijans pou vre. Pandan evakyasyon sa yo, koute enstriksyon depite a ba ou. Rete kalm e pa rele, pou nou evakye vit epi san danje.

F-3. RÈGLEMEN SOU FIMEN

Lwa Florid sou lè pwòp alenteryè mande pou tout depatman prizon yo SAN FIMEN TABA. Si w gen nenpòt ki taba oswa bagay pou fimen, li kontrebann e n ap pran aksyon disiplinè kont ou.

G. GRAM AK SÈVIS

G-1. FÒMILÈ DEMANN POU PRIZONYE

Fòmilè pou demann prizonye a ofri w mwayen pou kominike ak diferan seksyon administrasyon an. Yon fwa w fin ranpli yon fòmilè pou demann swen medikal, ou dwe remèt demann ou an bay founisè swen medikal la pandan konsiltasyon medikal.

G-2. PRIZONYE AK ENFIMITE

Prizonye ki gen enfimite gen aksè, oswa yon aksè altènatif, nan tout pwogram oswa sèvis ki founi pou tout prizonye an jeneral. Si w gen yon andikap epi jwenn li difisil pou gen aksè ak nenpòt nan pwogram ak sèvis sa yo, founi yon FÒMILÈ POU DEMANN PRIZONYE bay sipèvizè apwopriye a e eksplike pwoblèm aksè w genyen an. Si pwoblèm ou te genyen an pa ka elimine, n ap jwenn rezilta diferan pou garanti ou gen aksè egalego nan pwogram ak sèvis yo.

G-3. SÈVIS MEDIKAL, DAN AK NOURITI AK SWEN MANTAL

Se yon founisè swen medikal nou angaje ki founi sèvis medikal bay biwo cherif la. Gen enfimyè k ap travay 24 sou 24, 7 jou sou 7, nan chak prizon.

Enfimyè fè tou prizon an chak jou pou fè livrezon medikaman. Fòk pran medikaman an devan enfimyè a. Fòk ou abiye kòrèkteman lè w prezante tèt ou lè enfimyè a rele w pou medikaman w lan. N ap pran sanskyon disiplinè kont tout prizonye ki pa vètman ki konvni lè enfimyè a prezan.

Remèt yon fòmilè pou demann medikal pou w fè demann swen medikal ak swen dan. Se sèl anplwaye medikal ki ka ranmase fòmilè sa yo. Pa bay depite a fòmilè sa yo. Fòk ou eksplike anplwaye depatman lan sa depi ta gen yon sitiyasyon ijan nan depatman w lan.

Frè pou sèvis medikal : Tout prizonye, ap oblije peye pou kèk tretman ak swen prizonye a deside li bezwen, ke yon doktè oswa pwofesyonèl sante mantal pa di li bezwen ak tout swen ak tretman ki pa pou yon ijans. N ap kontinye ofri sèvis sa yo san w pa gen pou peye anreyen :

- Depistaj sante entrasistèm ak vale.
- Dosye medikal ak konsiltasyon jeneral.
- Maladi kwonik.
- Sèvis pou swen mantal.
- Maladi doktè dyagnostike ak swen siplemantè.
- Ijans medikal (jan yon anplwaye swen medikal detèmine li).

Men plan frè a : (Wè frè ki make yo)

- Klinik enfimyè
- Klinik medikal
- Klinik dantis
- Preskripsyon pou sèvis ki make anlè a (Ak eksepsyon maladi kwonik)
- Transpò bay pwòp doktè pèsònèl apre ke li otorize
- Linèt pou lekti (disponib tou nan komisarya a)

Si w nan konsiltasyon nan klinik enfimyè a epi li mande pou w ale nan klinik medikal oswa klinik dantis, w ap peye dapre frè ki make yo. Nou p ap refize okenn prizonye swen medikal poutèt yo pa gen lajan.

Nan sikonstans ki pa rive fasil menm epi ki pa alòdinè, kapab gen otorizasyon pou w al wè pwòp doktè k ap suiv ou a. Fòk ou gen lajan frè transpò a nan kont komisarya ou a anvan randevou w la. Lajan sa a se sèlman pou transpò e li pa enkli frè pou sèvis medikal doktè k ap suiv ou a ba ou.

Ou p ap gen pou peye pou swen siplemantè apre konsiltasyon sa yo, eksepte pou transpò siplemantè epi pou frè medikal asosye ak sèvis doktè prive w lan. W ap gen pou siyen yon kontra peman anvan ou resevwa sèvis medikal la.

Se dwa w pou w refize swen ak tretman medikal. Se ak anplwaye swen medikal la pou w refize swen ak tretman medikal la. N ap akonpaye w nan depatman swen medikal la kote w ap di anplwaye swen medikal la ou refize swen. Ou pa ka di depite a ou refize swen medikal, e refi swen ou bay depatman swen medikal la ap gen yon konsekans sanksyon disiplinè kont ou.

Gen sèvis swen sante mante ki disponib pou ou. Tankou pou sèvis medikal ak sèvis dantis, ou ka fè deman sèvis swen sante mantal ak yon fòmilè pou demann medikal, « pale ak enfimyè de sèvis la », oswa si bezwen an ijan, pale ak yon depite nan depatman w lan.

Siy avètisman pou anpeche syisid:

Pafwa ka gen siy avètisman. Malerezman, pafwa pa gen okenn siy nou ka wè yon moun genyen lè moun sa a ta gen letansyon pou l touye tèt li. Sepandan, se pou n konnen ka gen posibilite. Men detwa siy avètisman pou siveye :

- Chanjman sibit nan imè oubyen nan konpòtman.
- Kriye anpil, san espwa epi enpyisan.
- Ap bay moun tout zafè li.
- Di li ta renmen mouri, oubyen moun lan di "lavi pa merite viv".
- Te eseye touye tèt li.
- Gen yon bon zanmi oubyen yon fanmi ki touye tèt yo.
- Gen anpil santiman kilpabilite ak lawont.
- Pèdi enterè nan aktivite oubyen nan pwogram moun renmen an jeneral.
- Reflechi anpil sou lanmò limenm.
- Pale l ap kite prizon talè san l pa fè sans.

Siveyans:

Se pou tout moun toujou siveye lòt prizonye a; tanpri konnen peryòd fèt ka deklanche anvè syisid pou kèk moun. **Si w kwè yon moun anvè touye tèt li, lapoula fè rapò bay, sa k pi pre a, ofisye oubyen manm anplwaye swen medikal / mantal ki pi pre w la, sou sa w wè a.**

Reflechi sou syisid:

Si « OUMENM » gen anvè suisid, nou mande w pou sonje :

- Se pa syisid ki solisyon an.
- Pa gen tounen apre syisid. Syisid se yon repons pèmanan pou pwoblèm tanporè. Li pa yon solisyon.
- Mande pou èd. Gen konsèy disponib ansanm ak lòt entèvansyon medikal.
PALE AVÈK OFISYE DEPATMAN AN, FOUNISÈ MEDIKAL AK FOUNISÈ POU SWEN MANTAL.

G-4. SÈVIS REPA

N ap sèvi repa twa fwa pa jou nan lè sa yo :

- Repa maten : 5:00 am a 7:00 am (Note byen : Travay lage ap sèvi apatide 4:00 am.)
- Repa midi : 10:30 am a 12:30 pm.
- Repa aswè : 04:30 pm a 06:30 pm.

G-5. KONSÈY AK SÈVIS RELIJYON

Gen konsèy ak sèvis relijyon ki disponib pou ou. Si oka yon moun nan fanmi w mouri, ap gen konsèy sou relijyon prive disponib pou ou, si w mande pou sèvis sa. Remèt biwo pastè a tout fòmilè pou demannn prizonye pou tout bezwen relijye.

G-6. VIZIT

Prizonye ap gen limit sou ki vizitè yo resevwa dapre lis non moun ki make epi ki otorize sou lis vizitè otorize a. Lis sa yo gen limit sou sèt (7) vizitè omaksimòm, an kontan timoun ki pako alaj 18 lane. Apre premye prezans oubyen apre resevwa yon lojman pèmanan, prizonye nan biwo prizon koreksyon KI nan biwo sherif Palm Beach County ka make epi remèt lis moun ki va vini wè yo. Sèl yon (1) grenn lis ka remèt sou chak peryòd swasant (60) jou. Vizitè ki otorize ka chanje sèl yon grenn fwa sou chak peryòd swasant (60) jou. Enfòmasyon sa sou vizitè bije make sou fòmilè a.

- Non ak siyati.
- Tout dat ou fèt ak mwa, jou epi ane
- Nimewo ID vizitè a.

Tout vizitè yo oblije enskri swa sou entènèt la nan www.jailvisit.pbso.org oswa nan yon gichè nan Sant Vizit Videyo Santral la oswa Sant Vizit Wes la. Depi anrejistremant an fini, chak vizitè ap resevwa yon nimewo ID vizitè. Vizitè a gen pou l ba ou nimewo sa a, e w ap gen pou w mete nimewo sa a tou sou papye otorizasyon pou vizit. Se papye a pa byen ranpli konnen n ap voye l tounen ba ou.

Nou p ap pèmèt pou soti ak anyen nan depatman lojman w lan pou pote nan sal vizit la. Moun ki vin nan vizit fèt pou kontwole timoun yo oswa n ap kanpe vizit la.

Si nan yon peryòd trant (30) jou yon vizitè manke twa (3) vizit ki pwograme, vizitè sa a p ap gen dwa vini pou yon peryòd de semèn.

Fòk ni oumenm ak ni vizitè ou yo syiv enstriksyon anpwilay PBSO oswa n ap kanpe vizit la. Tout vyòl règ yo ap koze nou kanpe vizit ou a e li ka fè ke moun ki vin wè la pa janm ka vini wè w ankò.

G-7. REKREYASYON

Rekreasyon disponib chak jou (lè tan an pèmèt li). Al wè ak depite nan etaj ou a pou konnen ki orè ki genyen pou rekreasyon.

Fòk ou tounen tousyit nan lojman w lan yon fwa yon depite oswa anplwaye PBSO ba w lòd la. Tout vyòl règ ak règleman prizon an oswa konpòtman ki entewonp travay anplwaye rekreyasyon oswa lòt anplwaye ap fè nou kanpe peryòd rekreyasyon w lan e n ap pran sanksyon disiplinè kont ou.

Ou pa ka eseye pran kontak oswa kominike ak moun andeyò seksyon rekreyasyon w lan pandan rekreyasyon nan rele, mouvman men epi ak jès ki pwovoke moun. Bagay sa yo ap rezon pou kanpe peryòd rekreyasyon ak sanksyon disiplinè kont ou. Lameteyo ka decide si wi ou non n ap ofri rekreyasyon deyò nan lè nòmàl.

G-8. TELEFÒN

Nou founi telefòn nan seksyon lojman w lan pou itilizyon pèsònèl ou. Enskripsyon nan telefòn obligatwa pou pase koutfil. N ap ba w yon # pin ke w ap sere yon kote an sekirite. PINGA BA LÒT PRIZONYE NIMEWO PIN OU A. Ou ka fè transfè si w vle depi nan kont magazen w lan nan kont telefòn ou an. Ou ka fè koutfil dirèk avèk lajan ou gen disponib nan kont telefòn ou an. Telefòn sa yo ka sèvi pou apèl kolèk e se moun ou rele a k ap peye pou chak koutfil kenz (15) minit. Apèl a telefòn selilè yo pa garanti. PBSO ak / oswa founisè ki gen kontra avek yo pa p responsab pou apèl ki tonbe. Swiv endikasyon yo lè w ap plase koutfil la pou garanti koutfil la pase. Gen frè telefòn ki pou peye pou chak koutfil. Gen telefòn TDD (Telecommunication Device for the Deaf) disponib nan chak prizon pou prizonnye ak pwoblèm pou tandè. Tout abi sèvis telefòn ap fòse nou wete telefòn yo epi plase sanksyon kont ou. Se chèf prizon an ki gen responsablite pou yo tabli orè lè telefòn yo ap disponib pou prizonnye yo ka sèvi ak yo. Orè a sipoze gen opòtinite sèvis lajounen kou lannyt.

Pou ka mentni sekirite epi pou mentni lòd nan prizon yo, epi pou pwoteksyon bibliik la, li posib pou koutfil prizonnye yo siveye epi anrejistre.

G-9. TELEVIZYON

Gen yon aparèy televizyon nan chak salon lajounen pou edikasyon w ak amizman w, e se privilèj pou w gade televizyon. Ou pa ka fè makònaj ak televizyon an oswa ak kab televizyon an. Tout enfòmasyon ki montre te gen makònaj ap fè n wete televizyon seksyon lojman an e n ap ka plase sanksyon disiplinè kont ou. Depite ki nan seksyon w lan ap gen kontwòl chanjman chanèl televizyon an. Yon vòt ant prizonnye yo ap detèminen ki chenn televizyon prizonnye yo ap gade. Volim lan ap nan nivo nòmàl, pou pa deranje lòt prizonnye oswa operasyon prizon an.

Pou depite a gen opòtinite byen konte prezans prizonnye yo, se pou etenn televizyon an pou depite a ka byen konte prizonnye yo san okenn erè. Tout prizonnye ki pa koòpore pandan prezans lan ap pèdi privilèj televizyon an e prizonnye ap gen yon sanksyon disiplinè kont li.

Restriksyon nan televizyon : Televizyon yo ap etenn ant 11:00 pm ak 6:00 am, 7 jou sou 7.

G-10. KANTIN

Atik kantin ka achte nan jou ki pwograme pou inite kote w ye a. Si montan kòmman ou an plis pase kantite ki nan kont ou, ou pa p resevwa atik ki depase valè oudenm ou genyen an. Kòmman ou an gen yon limit katrevendi dola (90,00\$) pou atik ki vann nan kantin lan epi katrevendi dola (90,00\$) pou abi (san konte transfè lajan nan telefòn). Sèlman yon sèl kòmman pou kantin ap aksepte chak semèn.

Lè reprezantan kantin lan fè livrezon kòmman ou an l ap verifye idantifikasyon ou an epi l ap mande pou w siyen non w anvan pou li remèt ou yon sache ki fèmen. Se pou w verifye kòmman ou an la menm devan reprezantan kantin lan. Plent pou kòmman ki pa konplè p ap aksepte onfwa ou deplase devan reprezantan kantin lan. Se nan fen semèn lan w ap resevwa kòmman anreta pou tout ranplasman atik ki pa t genyen nan kantin lan.

Chak prizonye dwe pou chwazi epi enskri yon kòd sekirite pèsònèl ki gen 10 chif e se pou yo fè sa nan sèvis komisarya Phone-It-In lan. Kòmman komisarya pa p pare jouk tan gen yon bon enskripsyon ki fèt.

Si w pa ka enskri kòd sekirite pèsònèl 10 chif ou a, ou fèt pou w avize depite depatman selil la tousuit pou sa kowòdone pwosede enskripsyon w lan ankò.

G-11. BIBLIYOTÈK POU LEKTI

Gen yon charyo liv disponib ak liv pou divèti. Gen orè a ki afiche nan kaz ou a.

G-12. BIBLIYOTÈK LEGAL

Depatman Koreksyon PBSO pa gen okenn aksè fizik a bibliyotèk legal la. Sepandan, ou kapab fè rechèch souk a legal avèk bibliyotèk legal elektwonik la. Prizonye yo rete nan selil yo epi yo mande enfòmasyon legal kote ke yo va itilize yon fòm demann legal. Soumèt fòm demann legal la konplè ak enfòmasyon sou lalwa ke ou vle wete nan bibliyotèk legal la. Yon anplwaye sivil Bibliyotèk legal Biwo cherif Konte Palm Beach la va pwosès enfòmasyon an epi voye l tounen ba ou.

Chak prizonye ap gen aksè rezonab pou konsilte materyèl legal yo. Tout demann en rapò a bibliyotèk legal la se pou pwòp sèvis ou li ye sèlman. Ou kapab jwen Liv lalwa yo nan tout inite lojman yo / chanm kontwòl yo. Nenpòt prizonye nou jwenn ki ap sèvi avèk bibliyotèk legal la pou li jwenn materyèl legal pou nenpòt lòt moun ke tèt li ap sibi mezi disiplinè an akò avèk règleman sou konduit ak disiplin prizonye yo.

G-13. KONSÈY POU LÈ YO LAGE W

Tout prizonye, nan Pwogram “Re-Entry” PBSO a ap kapab patisipe nan sesyon konsèy sou preparasyon pou lè yo lage li. Pwogram sa a founi enfòmasyon sou ajans nan kominote a, ki ka founi gid ak èd apre yo lage w. N ap mande w, lè w lage a, si w enterese nan okenn nan enfòmasyon disponib yo. Ou ka remèt yon DEMANN PRIZONYE bay sekson pwogram lan. Enfòmasyon sa a ka gen ajans

kominotè ak lòt ki founi : (1) travay, (2) lojman, (3) swen sante mantal, (4) konsèy pou tafyatè ak dwòg adik, epi (5) transpò.

G-14. PWOGRAM EDIKASYON

Gen klas sou edikasyon fondamantal pou granmoun Adult Basic Education (ABE). N ap aprann ekspètiz lekti, ekriti ak matematik de baz. Klas preparatwa sa yo ap founi prizonye yo konesans de baz pou yo pran tès G.E.D. a. N ap remèt diplòm yo fwa w pase tès G.E.D. a. Ou ka remèt sekson pwogram lan demann ou an si w enterese patisipe. Gen klas edikasyon segondè ki ofri e ki obligatwa pou prizonye ki poko gen dizyit an. Klas sa yo se menm klas yo ofri nan lekòl andeyò prizon an. Prizonye yo ap resevwa kredi pou prezans yo nan klas yo. Tout patisipan nan pwogram sa yo fèt pou yo obeyi enstriksyon pwofesè a.

Pwogram Sèvis Eksepsyonèl (ESP) se yon pwogram akademik yo ofri nan Distrik Lekol Konte Palm Beach la. Moun ki kalifye yo se moun ki pa gradye nan lekòl segondè (High School), ak moun ki gen andikap ki poko gen 22 e ki pa gradye avèk yon diplòm estanda oswa ekivalan li, epi ki fèmèn nan yon sant detansyon konte a. Si w kalifye, yon manm estaf Palm Beach County School District la va kominike avèk ou. Si w enterese epi yo pa kominike avèk ou, alò fè demann lan bay Inmate Programs lan pou w jwenn enfòmasyon siplemantè.

G-15. SWEN TIMOUN AK PLANIN (SÈLMAN POU PRIZONYE FI)

Lè depatman swen medikal la verifye ou ansent, l ap voye w pran swen gwosès.

Se règleman, dapre FSS 944.241, pou biwo cherif la sèvi avèk mezi restrenn sou prizonye ki ansent.

Healthy Beginning / Healthy Babies / Healthy Mothers

Pwogram Healthy Beginning lan ofri edikasyon anvan epi apre akouchman epi enfòmasyon pou prizonye fanm ki gwovant. Enfimyè nan pwogram lan ap kontinye vin wè prizonye fanm ki ansent pou yo ka ofri sèvis anvan epi apre akouchman.

Pwogram Healthy Babies / Healthy Mothers la mache ansanm ak enfimyè Healthy Beginning yo. Pwogram sa a idantifye epi adrese sèvis sosyal pou prizonye fanm ki ansent (anvan epi apre yo lage) nan pwogram kontwòl ka a. Anplwaye sèvis sosyal nan ajans lan ofri sèvis swen entansif pou prizonye fanm ki ansent. Sèvis ofri tou bay prizonye fanm ki ansent lan ak fanmi l si li gen timoun ki poko alaj twa (3) lane. Li pa nesesè pou prizonye yo fè demann pou patisipe nan pwogram sa a. Depatman medikal la ap avèti fasilite yo sou pwogram lan e se yo k ap pran kontak ak prizonye fanm ki ansent lan.

G-16. PWOGRAM TRAVAY

Tout prizonye leta a mete nan prizon oblije travay e y ap plase nan yon pwogram travay. Plasman nan travay ap baze sou sante prizonye a ak nivo sekirite li, e sou ki pozisyon travay ki disponib. Biwo cherif la ofri lòt pwogram sipèvizyon, tankou rezidans siveye ak Work Release. Plasman nan pwogram sa yo ap baze sou desizyon biwo cherif la a ansanm ak jij tribinal la. Kwak work release se pou

prizonye kondane, pwogram « In-House Arrest » la disponib pou toude prizonye kondane ak prizonye ki poko ale nan tribinal. Remèt depatman sou gad altènatif la demann ou an pou yo detèmine kalifikasyon w.

G-17. MARYAJ

Tout demann pou maryaj fèt pou remèt chaplen koreksyon an. Maryaj prizonye ki nan prizon ka otorize si li p ap koute biwo cherif nan Palm Beach County a anyen, e si pa gen enfraksyon mezi sekirite ak sekirite anplwaye ak prizonye yo.

G-18. LANMÒ YON FANMI

Sizoka ou ta gen yon fanmi ki mouri (mari, madanm, pitit, manman, papa, frè, sè), e kòmandan divizyon klasifikasyon an ba w pèmision pou ale nan fineray la alò ap gen obligasyon pou w satisfè. Fòk ou ale epi kite fineray la ak de (2) depite, e depatman sèvis kontra biwo pèmi cherif la ap detèminen konbyen l ap koute w (se oumenm ki responsab pou peman sèvis sa a). Fòk tout peman an nan men biwo cherif la vennkat (24) è anvan ou kite pou al nan fineray la.

G-19. NOTIFIKASYON YON PARAN PWÒCH

Blesi oubyen maladi grav gendwa rive nenpòt moun e nenpòt lè. Lè yo t ap admèt ou nan prizon an, yo te mande pou w idantifye yon fanmi, yon zanmi oswa yon lòt moun ou ta renmen nou kontakte si oka w ta gen yon blesi grav, yon maladi grav, oswa si w mouri. Si w vle chanje moun ou vle nou kontakte a, oswa si w pa bay non yon moun lè w admèt nan prizon an, remèt yon fòmilè DEMANN PRIZONYE bay seksyon klasifikasyon an.

G-20. FRÈ PRIZONYE PEYE POU VIV AK PWOSESIS

Prizonye ap gen frè dapre FSS 951 a ak manda Board of County Commissioners.

Lè fini, tout prizonye ap bije peye kèk frè medikal, asosye avèk anprizònman an (FSS 951.032).

Depi w lage, tout zafè pèsonèl ou yo ak lajan w ap remèt ba ou, mwens tout frè ki presize. Se oumenm ki gen responsablite, ansanm avèk estaf la, pou asire tout zafè ak lajan w remèt ba ou. Si w dwe yon dèt, dèt la rete sou kont ou an pou yon peryòd twa (3) lane (FSS 951.032). Chak prizonye ki dwe prizon an yon dèt lè li lage a ap resewva yon eta kont sou montan ki dwe a pou frè ak sèvis pou lè prizonye a te nan prizon Palm Beach County Detention an. Dèt ap voye bay yon sistèm sèvis pou rekouvremman faktirasyon ak frè pou sa fè ranmasay lajan an.

Si w retounen nan prizon Palm Beach County Detention an sou twa (3) lane e dèt la pa t peye, tout kòb ou gen nan moman ou antre nan prizon an ap sèvi pou peye dèt ou dwe a.

G-21. MOUVMAN PRIZONYE

Fòk prizonye yo mete yo anran, youn apre lòt, lè y ap deplase avèk eskòt nan prizon an ; pa egzanp tribinal, rekreyasyon, sèvis relijyon, vizit, medikal, elatriye. Li ka nesèsè pou yo mete restriksyon sou ou pandan deplasman sa yo.

G-22. GWOUP POU EDE TÈT OU

Gen yon varyete pwogram pou ede w ak devlopman pèsònèl ki disponib pou prizonye, tankou, swen anonim pou tafyatè Alcoholic Anonymous (AA) ak swen anonim pou dwòg adik Narcotics Anonymous (NA). Gade orè pwogram pou prizonye pou prizon kote ou ye a e si l enterese w, bay yon fòmilè Demann prizonye pou pwogram sa yo. Si w ta bezwen èd pou w ranpli fòmilè a, mande depite ki responsab kaz/etaj ou a pou l ede w.

Edikasyon sou abi sibstans - Pwogram Another Way :

Pwogram THE ANOTHER WAY a founi sèvis edikasyon ak konesans sou abi sibstans pou moun ki presizeman mande epi devwe pou yo patisipe nan pwogram lan. Pwogram entèvansyon sa a fè jefò pou edike, motive epi voye prizonye yo nan yon wout rekouvremant pou akoutimans nan abi sibstans. Sèvis volontè sa yo founi pou prizonye ki kondane pwovizwaman epi nan konte a epi ki nan prizon popilasyon jeneral la e yo disponib pou toude prizonye gason ak fanm.

G-23. PWOGAM POU MOUN K AP VOTE

Nap ofri èd bay tout prizonye ki kalifye ki vle vote nan bilten vòt absan oubyen ki vle anrejistre pou vote. Ou kalifye pou w vote e pou w anrejistre pou w vote si w: gen rezidans nan leta Florid, pa detèminen ou gen posiblite mantal pou vote, pa fè demann dwa pou vote nan yon peyi oubyen lòt leta, oubyen ou kondane gwo trayizon san okenn dwa ankò. Ou ka anrejistre pou vòt nenpòt lè. Wap gen pou w bay yon demann pou prizonye bay biwo program prizonye a ki mande pou yo ba w dwa pou vote ankò. Sèvis pou vote pou prizonye ap fèt sèlman nan gwo eleksyon yo. Wap resevwa enfòmasyon pou di w ki lè epi ki jan pou w remèt demann ou pou w vote.

G-24. PWOGAM KAT OTOBIS

Depi ou lage, nap ba ou yon kat otobis ki valab pou yon grenn jou. Kat otobis la ka sèvi nan Palm Beach County nan sistèm Palm Tran Transit la. Pou w resevwa kat otobis la, se pou w fè demann pou li anvan ke w lage e ou fèt pou w ranpli tout fòmilè nesèsè yo.

G-25. METRIZE KÒLÈ

Pwogram sa a se kote prizonye aprann kijan pou byen reyaji lè yo gen emosyon ki negatif. Li aprann ki jan pou byen reflechi pou gen rezilta pozitif. Pwogram sa a yo pral aksesib a prizonye kondane nan konte a antravè pwogram Re-Entry a e prizonye ki nan lojman popilasyon jeneral ki patisipe nan Pwogram “Life Skills” la.

G-26. PWOGAM SEKIRITE SOSYAL

Men ki èd ou ka resevwa :

- Resevwa kat sekirite sosyal ou.
- Resevwa tout benefis ou yo ankò.
- Ede konprann benefis ou yo.
- Fè chanjman nan benefis ou yo.
- Resevwa èd pou tout kesyon ou ka genyen sou sekirite sosyal ou.

Ajans sa a ap patisipe nan pwogram anvan prizonye lage pou sekirite sosyal kap ede w detèminen si w kalifye pou benefis sekirite sosyal epi / oubyen pou ede w resevwa benefis yo. Pou resevwa èd nan tout bezwen sekirite sosyal ou se pou w voye yon demann bay biwo program lan.

G-27. KAT DIDANDITE POU ANTRE ANKÒ NAN KOMINOTE A

Pou ofri prizonye ki lage nan biwo prizon detansyon nan biwo cherif Palm Beach County a yon fòmilè idantifikasyon ki, ka sèvi kote prizonye a ap bezwen pyès didantite. Se pou w voye yon fòmilè demann pou prizonye bay biwo program lan si w ta enterese resevwa yon kat didantifikasyon.

G-28. KREDI POU AMANN AK FRÈ

Chak prizonye nan konte a k ap travay dwe pou yo resevwa, ansanm avèk sibzidans, yon kredi nan to 30 santim pa jou, sou kont amann ak frè ki deklare kont li. Depi l lage, si demann lan fèt, chak prizonye ki bay dwa dwe pou l resevwa yon lèt k ap reprezante yon avi sou kantite jou prizonye a gen pou l resevwa kredi pa jou. Se responsabilite prizonye a pou l remèt sekretè tribinal la avi sa pou l sèvi avèk kredi a.

H. DISIPLIN AK KONPÒTMAN PRIZONYE

H-1. KONPÒTMAN

Ou oblije obeyi tout règ ak règleman prizon an. Si n detèminen ou koupab enfraksyon règ ak règleman yo dapre estanda prizon Florid, ou ka pini ak kaptivite disiplinè, pèdi tan ou ratrape, e w ka pèdi privilèj. Nou p ap tolere zak kriminel nan prizon n ou yo e n ap pwosekite w nan degre maksimòm.

H-2. REGLÈMAN

A. KRIM KATEGORI I :

- 1-1 Agresyon nenpòt nan anplwaye yo
- 1-2 Atak Seksyèl
- 1-3 Menas oswa atak/agresyon seksyèl lòt moun
- 1-4 Mete dife oubyen magouy nan yon plòg elektrik, aparèy elektik oubyen aparèy alèm / sispann dife
- 1-5 Demonstrasyon oswa ankouranje lòt fè demonstrasyon
- 1-6 Sove, eseye sove oswa òganize yon sove
- 1-7 Posede, eseye posede oswa entwodiksyon eksplozif oswa nenpòt amo, oubyen lòt zàm
- 1-8 Jete, voye oubyen distribisyon likid oubyen materyèl chimik oubyen danjere

B. KRIM KATEGORI II :

- 2-1 BAgresyon nenpòt moun (ki pa yon anplwaye)
- 2-2 Rapò seksyèl ak nenpòt lòt moun
- 2-3 Goumen
- 2-4 Ekstòsyon, chantaj, pwoteksyon, demann oubyen resevwa lajan oubyen nenpòt ki bagay ki gen valè pou

- pwoteksyon kont lòt moun pou pa fwape, oubyen pou menaj pou fè rapòtaj
- 2-5 Ale kote w pa otorize
- 2-6 Anpeche n fè prezans
- 2-7 Kase oswa bloke nenpòt kalite seri
- 2-8 Gen oubyen eseye gen bagay ilegal (nenpòt bagay yon prizonye genyen oubyen ki jwenn nan lokal la e lalwa di ilegal epi ke prizon an otorizasyon pou l genyen oubyen resevwa e ki pa distribye nòmman nan prizon an)
- 2-9 CKonpòtman ki deranje oswa koze pwoblèm nan sekirite oswa nan òganizasyon prizon an
- 2-10 Bay oswa ofri nenpòt ofisye oswa anplwaye yon blakmel, oswa nenpòt bagay ki gen valè
- 2-11 Refize obeyi lòd nenpòt anplwaye prizon an
- 2-12 Ekspozisyon pati prive, egzibisyon vilgè oubyen konpòtman obsèn
- 2-13 Detyi, chanje, andomaje oswa abime pwopriyete gouvènman an oswa lòt moun
- 2-14 Fè oswa konsome bagay k ap fè w sou, oswa soule tèt ou
- 2-15 Fè demann pou sèks
- 2-16 Mete yon degizman oswa yon mask

C. KRIM KATEGORI III :

- 3-1 Menase lòt ak kote w ap blese w oswa tout mechanstan kont moun lan oubyen zafè li yo.
- 3-2 Refize travay, ankouraje lòt refize travay, oswa patisipe nan aksyon kote travay sispann.
- 3-3 Fè oswa ankouraje demonstasyon gwoup.
- 3-4 Pa prezan lè n ap fè prezans.
- 3-5 Vòlè.
- 3-6 Fwonte yon anplwaye prizon an.
- 3-7 Manti oswa bay yon anplwaye prizon an move enfòmasyon.
- 3-8 Mitile, chanje oswa mal itilize vètman, kabann, dwa oswa matla nou ba ou.
- 3-9 Pa byen itilize medikaman nou otorize.
- 3-10 Pa idantifye tèt ou bay yon anplwaye lè nou mande w entwodyi tèt ou.
- 3-11 Konpòtman ki twouble oubyen gen entèferans ak yon pwogram, sèvis oubyen aktivite nòmal ki ka, men pa sèlman: rekreyasyon, vizit, kantin, pwogram sou relijyon, bibliyotèk, bibliyotèk sou dwa, pwogram enfòmasyon sou abi sibstans, oubyen klinik.
- 3-12 Enfraksyon règleman pwogram siveyans altènatif pou gen, men pa sèlman: fè magouy oubyen detwi aparèy siveyans elektwonik, pa tounen nan prizon an oubyen nan rezidans ou, oswa sèvi ak sibstans k ap entoksike w.

- 3-13 Fè fo, chanje oubyen repwodyi ilegal nenpòt dokiman, atik oubyen idantifikasyon, lajan papye sekirite oubyen papye ofisyèl.
- 3-14 Prete pwopriyete oswa nenpòt bagay ki gen valè pou pwofi oswa pi gwo rannman.
- 3-15 Absans, nan travay oswa nan nenpòt misyon, ki pa otorize.
- 3-16 Pa fè travay jan yon anlwaye te mande w.
- 3-17 Mete tatou sou tèt ou oswa chanje aparans fizik ou.
- 3-18 Itilizasyon kourye oswa telefòn ki pa otorize.
- 3-19 Bay lajan oubyen nenpòt bagay ki gan valè, aksepte lajan oubyen nenpòt bagay ki gen valè nan men yon lòt prizonye, fanmi oubyen zanmi.
- 3-20 Fimen kote li entèdi fimen oswa gen bagay pou fimen.
- 3-21 Pa mete braslè didantite.
- 3-22 Chanje, domaje oubyen fè magouy nan braslè didantite a.

D. KRIM KATEGORI IV :

- 4-1 Sèvi ak pawòl mechan oswa gwo mo
- 4-2 Fè chanjman nan nenpòt manje oswa bwason
- 4-3 Paryaj, prepa oubyen fè paryaj, gen bagay pou fè paryaj, komès, twòk oubyen paryaj pou plato manje
- 4-4 Pran pòz ou malad
- 4-5 Patisipe nan yon reyinyon oswa rasanbleman ou pa otorize ale
- 4-6 Pa syiv règleman sekirite oswa sanitasyon
- 4-7 Itilize nenpòt aparèy oswa ekipman kontrèman ak enstriksyon oubyen estanda sekirite ki afiche
- 4-8 Pa sanitè oswa pa pwòp, pa kenbe tèt ou pwòp oswa lojman pèsònèl ou pwòp
- 4-9 Kontak ak piblik ki pa otorize
- 4-10 Koresponn oswa kontak ak yon moun ki vin an vizit kontrèman ak règleman afiche yo
- 4-11 Li entèdi pou w sèvi ni ak enfòmasyon ni ak pyès didantite yon lòt prizonye.

H-3. RAPÒ DISIPLINÈ, IJMAN, SAKSYON AK PWOSESIS

Tout anlwaye ki temwen oswa ki gen rezon pou l kwè yon prizonye fè yon enfrazyon règ ak règleman yo gen pou l prepare yon dosye aksyon disiplinè pou prizonye oswa dosye sou aksidan. N ap fè yon dosye aksyon disiplinè pou prizonye diferan ak dokimantasyon siplemantè ap founi pou chak enfrazyon règ.

- A. Yon pwosesis kriminèl : Lè yon prizonye swadizan fè yon move zak dapre lwa kriminèl la, sipèvizè a va remèt ou yon kopi tout dosye asosye ak envestigatè koreksyon kriminèl. Moun k ap fè ankèt kriminèl prizon an va detèminen si wi oubyen non enfòmasyon an ap klase ak biwo avoka deta pou pwosesisyon.
- B. Envestigasyon :

1. Lè gen yon rapò sou yon swadizan enfraksyon règ, sipèvizè orè a ap koze yon bon envestigasyon pou detèminen si sikonsantans yo soutni akizasyon an. Envestigasyon an ap kòmanse nan lespas 24 èdtan apre rapò enfraksyon an resevwa e l ap fini san okenn reta, sofsi gen gwo sikonstans ki retade envestigasyon an.
 2. Yon prizonnye ki gen yon akizasyon règ ap resevwa yon rapò sou akizasyon yo (yon kopi dosye disiplinè a), ansanm ak deskripsyon ensidan an ak enfraksyon règ espesifik la dapre lapolis k ap fè envestigasyon an. Prizonnye a ap resevwa rapò menm lè dosye disiplinè a klase ak komite disiplinè a pa pit ta pase 24 è anvan jijman disiplinè a. Jijman an ka fèt nan lespas 24 èdtan depi prizonnye yo bay otorizasyon yo alekri. Moun k ap fè envestigasyon an ap tcheke bon bwat nan dosye disiplinè a, lè, dat ak siyati li pou akizasyon yo.
 3. Yon fwa akizasyon yo delivre bay prizonnye a, moun k ap fè envestigasyon an va enfòm prizonnye ke jijman an ap fèt pa pi ta pase senk (5) jou (san konte wikenn ak jou ferye) apre ensidan an. Prizonnye ap gen omwen 24 è anvan jijman an pou l prepare defans li, sofsi prizonnye a chwazi li pa bezwen 24 èdtan yo. Si prizonnye a chwazi li pa bezwen obligasyon an, fòk li ekri dou pape ak siyati prizonnye a. Lapolis la gen pou gen nòt prizonnye a tou nan bon bwat dosye disiplinè a lè ak jou dokiman an siyen.
 4. Yon fwa envestigasyon an fini, lapolis k ap fè envestigasyon an gen pou l ranpli bon seksyon dosye disiplinè a epi remèt rapò a bay koòdinatè disiplin prizonnye, oswa yon reprezantan li, nan prizon an.
- C. Jijman disiplinè, dekouvèt ak aksyon :
1. Yon komite disiplin san patipri oswa reprezantan revizyon jijman an, jan kòmandan divizyon an detèminen, gen pou l òganize yon jijman pou deside sou enfraksyon an. Nenpòt manm komite disiplinè a oswa nenpòt moun ki manm nan komite disiplinè a ap diskalifye si li patisipe nan ka a kont prizonnye a oswa envestige enfraksyon an.
 2. Dekouvèt komite disiplinè a oswa ofisyèl tribinal la gen pou li eksplike tout enfòmasyon nan dosye disiplinè a, envestigasyon, oswa deklarasyon temwen an e ki evidans espesifik te itilize nan konklizyon ekrip disiplinè a oswa ofisyèl tribinal la.
 3. Komite disiplinè a oswa ofisyèl jijman revizyon an ka deside ranvwaye oswa kontinye jijman an pi lontan pase tan etabli pandan yon peryòd rezonab oswa pou bon

- rezon. Rezon pou otorize yon ranvwa oswa yon pwolongasyon ka gen omwen:
- a. Preparasyon yon defans nan yon peryòd tan rezonab ke komite a aksepte
 - b. Maladi
 - c. Prizonye a pa disponib
 - d. Envestigasyon siplemantè sou enfòmasyon enpòtan ki asosye ak jijman an
4. Lè gen yon jijman disiplinè, jij la, prezidan an oswa majorite manm yo ap gen otorite :
- a. Mande pwodiksyon dokiman oswa rele temwen yo.
 - b. Revize demann prizonye a pou èd, pou temwen prizonye a mande oswa tout evidans yo ta renmen prezante. Demann pou temwen ap refize si li ta yon risk pinisyon, destabilize otorite yo oswa prezante yon danje pou sekirite prizon an. Nou p ap rele temwen si l aparan temwayaj sa p ap enpòtan pou ka a, san konsekans pou ka a oswa yon repetisyon. Fèk pou gen notifikasyon nan dosye a ap rezon pou refize rele temwen ki mande yo oswa pou limite yon enfòmasyon.
 - c. Pou ofri yon anlwaye prizon an ede prizonye a pandan jijman an lè prizonye a iletre, gen pwoblèm kominike an angle oswa li aparan konplikasyon sitiyasyon an fè l ap difisil pou prizonye a ka byen reprezante tèt li. Reprezantan jijman disiplinè a oswa komite a ap egzije dekoròm apwopriye a pandan tout jijman disiplinè a.
5. Prizonye akize yon enfraksyon règ fèt pou li gen dwa sa yo nan jijman disiplinè a:
- a. Yon prizonye ki akize ak yon enfraksyon règ fèt pou l prezan nan jijman an sofsi li renonse, alekri, dwa li genyen pou l nan jijman an, refize prezan nan jijman an, oswa konpòtman li pandan jijman an fè ke yo pa kite prezan : se pou dokimante absans yon prizonye nan yon odyans ansanm ak rezon absans li.
 - b. Gen opòtinite pou fè yon deklarasyon e prezante evidans dokimantè nan jijman an.
 - c. Pou fè demann temwen nan plas yo, ki ka gen limit sou kantite a dapre komite jijman disiplinè a oswa reprezantan jijman lè pou prezante evidans lan, se yon enfòmasyon kimilatif

- drakonyen. Eksplikasyon pou refize yon temwen ap alekri.
- d. Prizonye a ap resevwa yon kopi desizyon alekri a.
 - e. Tan pase nan enkasasyon disiplinè a ap konparab ak enfraksyon an men li p ap plis pase 30 jou apre enfraksyon an.
 - f. Prizonye a ap gen dwa pou mennen desizyon reprezantan jijman an oswa komite an nan kou dapèl devan majò a. Se majò a ki gen desizyon final la.
 - g. Tout etap pwosede disiplinè a ap anrejistre nan dosye alekri. Toutfwa, si prizonye a pa koupab, dosye disiplinè a ap gen enfòmasyon sa a ladann e li p ap rete nan dosye prizonye a.
 - h. Desizyon ap baze, sèlman, sou prèv ki prezante nan jijman an, e l ap gen yon deklarasyon sou rezon desizyon an ak prèv ki te itilize.
6. Reprezantan jijman an oswa komite jijman disiplinè a ap responsab pou l ranpli pòsyon « jijman » an nan dosye disiplinè a , ansanm ak non oswa temwen ki te rele epi tout restriksyon kont prizonye a pandan jijman an atout rezon pou restriksyon yo.
7. Pi plis dekouvèt ak rekòmandasyon komite jijman disiplinè a oubyen reprezantan jijman gen pou satisfè machasyiv sa yo :
- a. Yon fwa jijman an fini, reprezantan jijman an oswa manm komite a, ki delibere an sekre, ap detèminen legalite akizasyon yo e detèminen ki sanksyon ap enpoze si yo detèmine prizonye a koupab. Desizyon ap baze, sèlman, sou enfòmasyon prezante nan pwosede jijman an, ansanm ak dosye anplwaye yo, deklarasyon prizonye ki akize a, epi prèv temwen ak dokiman founi.
 - b. Rekòmandasyon pou disiplin p ap abitrè, p ap enpilsif, p ap yon metòd retribizyon oswa vanjans. Li entèdi pou gen pinisyon kòporèl.
 - c. Reprezantan jijman an oswa prezidan an ap anonse dekouvèt yo e ap rekòmande sanksyon pou prizonye a e l ap anrejistre yo, ansanm ak rezon pou desizyon an ak prèv itilize, nan pòsyon « jijman » nan dosye disiplinè a.
 - d. Si prizonye a deklare koupab, reprezantan jijman an oswa prezidan an ap anonse prizonye a dwa li gen pou li mennen ka a nan kou dapèl.

8. Repezantan jijman an oswa komite disiplinè a gen pou l deklare youn nan sa yo :
 - a. Rejte akizasyon an. Si akizasyon an rejte, dosye disiplinè a p ap plase nan dosye prizonye a. Dosye disiplinè a ki rejte ka fèt si gen erè nan pwosesis la, erè teknik oswa menm akizasyon miltip. Yon akizasyon san prejdis e ka ekri ankò oswa pwosede ankò nan menm kantite tan ak nouvo akizasyon yo.
 - b. Pa koupab. Si prizonye a pa deklare koupab, dosye disiplinè a p ap plase nan dosye prizonye a. Prizonye a p ap detèminen koupab lè prèv yo pa sipòte akizasyon an.
 - c. Yon deklarasyon alekri ki montre ki prèv komite / ofisye odyans lan gen pou yo gen yon desizyon koupab.
9. Tout aksyon disiplinè (eksepte pèt tan lib) ap enpoze ak nenpòt lòt aksyon disiplinè fèt pou byen eksplike nan dosye disiplinè a parapò ak obligasyon konkouran oswa konsekitif. Si ekip disiplinè a oswa repezantan jijman an pa presize si obligasyon yo konkouran oswa konsekitif, n ap konsidere aksyon disiplinè a tankou yon aksyon konsekitif. Pèt tan lib p ap konkouran ak okenn lòt pèt tan lib e l ap kimilatif.
10. Si prizonye a deklare koupab, komite disiplinè a oswa repezantan jijman an ap enpoze nenpòt yon sèl aksyon oswa kobinezon aksyon sa yo :
 - a. Restriksyon nan oswa aksè altènatif nan, rekreyasyon, vizit, sèvis relijye, privilèj telefòn ak moun ki pa avoka k ap repezante w, e bibliyotèk legal pandan yon peryòd ki p ap depase 60 jou. Sanksyon sa yo ka enpoze sèlman lè gen ase rezon pou fè sa, oswa lè enfraksyon an rive nan aktivite sa a.
 - b. Sispann tout lòt privilèj pandan yon peryòd tan ki pa ka plis pase :
 - 1) 30 jou pou yon enfraksyon kategori I
 - 2) 20 jou pou yon enfraksyon kategori II
 - 3) 10 jou pou yon enfraksyon kategori III
 - 4) 5 jou pou yon enfraksyon kategori IV
 - c. Konfiske pwopriyete (ki gen pou wè ak enfraksyon an)
 - d. Detèminen kijan pou jete kontrebann.
 - e. Oblije prizonye yo peye pou pwopriyete ki domaje, detyi oubyen zafè oubyen machandiz ki

pa apwopriye, kèlkeswa P.B.S.O oubyen pèsònèl.

- 1) Si de oswa pliz prizonye deklare koubpab pou responsabilite pèt oswa destriksyon yon bagay, yo chak ap responsab pou tout valè li. Toutfwa, montan total ki rasanble p ap depase montan valè ki te pèdi a.
- 2) Peman pou pwopriyete domaje, detyi oswa volè ap nan valè ranplasman li epi prizonye oubyen frè travay anplwaye pa p ladan l. Toutfwa, frè travay andeyò ka pou peye si domaj la se rezilta yon zak destriksyon ekspres. Nan sitiyasyon sa, dokimantasyon an ap plase nan dosye prizonye a ak detay frè a. Total fakti frè a ap distribye bay prizonye a e kopi ak dosye disiplinè a.
- 3) Si yon prizonye pa gen ase lajan pou l peye reparasyon oswa frè reparasyon yo, ap gen yon nòt nan kontanbank prizonye a pou peman pi ta. Si prizonye a janm resevwa lajan pandan li prizon an oswa pandan obligasyon konsekitif kontini, biwo cherif la ap peye anvan distribisyon lajan bay prizonye a.
- 4) Frè sèvis medikal ki se rezilta blesi pa ka enpoze.

f. Rekòmande pèt tan lib ou akimile jis nan penalite maksimòm la :

- 1) 15 jou pou enfraksyon kategori I
- 2) 10 jou pou yon enfraksyon kategori II
- 3) 5 jou pou yon enfraksyon kategori III
- 4) 1 jou pou yon enfraksyon kategori IV
- 5) Jeneralman, « tan lib akimile pou endistri eksepsyonèl » ap anile sofsi li presize si se « tan lib akimile pou bon konpòtman ». Ap gen yon kantite jou rekòmande espesifik pou anilasyon an. Nenpòt lè pèt tan akimile rekòmande, fòk yo gen yon detèminasyon ke prizonye a akimile ase tan lib pou l pèdi tan akimile a.
- 6) Pou chak enfraksyon sove, oswa eseye sove, move konpòtman oswa lòt

enfraksyon kategori #1, tout komitasyon akimile an favè yon prizonye konte a jis nan jou sa a ap anile, eksepte nan ka yon sove si prizonye tounen volontèman san li pa koute leta oswa konte a anye alò tan anile a ap mete sou koute si nan jijman an konpòtman prizonye a pèmèt li sa.

- 7) Tout oswa nenpòt pati nan tan lib yon prizonye konte a akimile ak nenpòt tan lib siplemantè akimil pèmèt li, si genyen, ap viktim anilasyon pou enfraksyon nenpòt lwa leta oubyen nenpòt règ oswa règleman prizon an.
- g. Elimine nan yon lòt plasman travay (koòdone ak klasman.)
- h. Plasman nan lòt lojman (koòdone ak klasifikasyon)
- i. Elimine prizonye ki lage ak sipèvizyon nan kominote a (House Arrest, Work Release) nan pwogram lan epi plase yo nan yon prizon espesifik (koòdone ak klasifikasyon epi sipèvizyon altènatif).
- j. Mete prizonye a nan enkaserasyon limite disiplinè.
 - 1) Peryòd tan sa a pa ka plis pase penalite maksimòm pou enfraksyon ki make la.
 - a) 30 jou pou yon enfraksyon kategori I
 - b) 20 jou pou yon enfraksyon kategori II
 - c) 10 jou pou yon enfraksyon kategori III
 - 2) Enkaserasyon limite disiplinè ap itilize sèlman si pa gen lòt solisyon. Tan yon prizonye pase nan enkaserasyon limite disiplinè ap egal ak enfraksyon li fè a.
 - 3) Pou rezon sanksyon enkaserasyon limite disiplinè, yon jou vle di yon peryòd 24 è apatide lè prizonye a plase nan enkaserasyon limite disiplinè.
 - 4) Sanksyon nan prizon maksimòm pou enfraksyon règ yo pa pa plis pase trant (30) jou pou tout enfraksyon lè sa a. Anprizònman disiplinè kontini pandan plis pase trant (30) jou mande pou

komandan divizyon an oswa reprezantan li revize sa epi bay otorizasyon li.

- 5) Prizonye ki plase nan enkaserasyon limite disiplinè deklare koupab enfraksyon règ yo ki koze danje dirèk pou sekirite prizon an. Pinisyon pou nenpòt peryòd prizon disiplinè tankou pa resevwa jounal, kantin (eksepte sèl pou bagay ijyenenik), sèvis bibliyotèk (liv pou lekti distribye nan depatman izolasyon), epi koutfil pèsònèl. Rekreyasyon ak vizit ka gen limit si prizonye a ka yon gwo menas pou anplwaye oubyen ka fè enfraksyon sou sa ki konsène rekreyasyon ak vizit. Privilèj telefòn se koutfil asosye epsesyalman ak aksè nan pwosede jidisyè a epi ak ijans familyal, jan kòmandan divizyon an oswa chaplen an detèminen.

11. Sanksyon sa yo entèdi e yo pa ka enpoze pou disiplin :
- a. Nenpòt fòm restriksyon manje oswa nitrisyon, oswa itilizasyon manje oswa repa pou pinisyon.
 - b. Nenpòt fòm pinisyon kòporèl oswa pa nòmal.
 - c. Nenpòt fòm disiplin yon lòt prizonye enpoze.
 - d. Mank vètman, dwa oswa bagay swen ijyèn pèsònèl nesèsè. (Valab pou prizonye ki detyi bagay sa yo oswa ki itilize yo pou yo sa blese swa lemwa oswa lòt. Nan sitiyasyon konsa, komandan divizyon an osnon reprezantan li ap avize e desizyon konfiske bagay yo e sitiyasyon an ap egzaminen nan entèval 24 è men pa plis pase sa).
 - e. Sèvi ak jouk pou pinisyon.
 - f. Nenpòt fòm entèferans ak fonksyon chak jou pou viv oswa bezwen ijyènik, tankou dòmi oswa itilize twalèt.
12. Si yon prizonye plase nan enkaserasyon limite administratif kwak 1 ap tann yon jijman disiplinè e komite a rekòmande yon tèm enkaserasyon limite disiplinè, komite disiplinè a ap konsidere tan li sèvi nan enkaserasyon limite administratif nan detèminasyon kantite jou total nan enkaserasyon limite disiplinè rekòmande.

13. Prizonye ki nan enkasasyon limite disiplinè pandan plis pase 60 jou ap gen omwen dwa : sèvis edikasyon, sèvis komisè, sèvis bibliyotèk, sèvis sosyal, sèvis konsèy, sèvis relijye, privilèj telefòn ak pwogram rekreyasyon.
- D. Revizyon komandan divizyon an : Komandan divizyon an oswa reprezantan li ap egzaminen dosye jijman disiplinè a pou ka :
1. Garanti reprezantan jijman an oswa komite jijman disiplinè a, atout jijman an, syiv machasyiv ak pwosesis yo.
 2. Akò oswa rediksyon sanksyon disiplinè, si genyen. Komandan divizyon an, oswa reprezantan li, pa ka ogmante sanksyon komite a rekòmande.
- E. Avi alekri : Koòdinatè disiplin lan oswa reprezantan li pou prizonye a founi prizonye a yon kopi dosye disiplinè konplè a.
- F. Dosye jijman an : Dosye disiplinè a, jijman disiplinè ak dokiman prèv se yon dosye pwosede disiplinè a. Yon kopi dosye a ap nan dosye klasifikasyon prizonye a si li deklare koupab. Dosye sa a ap la pandan omwen senk (5) ane.
- G. Kou dapèl : Prizonye ka mennen tout desizyon reprezantan jijman an oswa komite jijman disiplinè a ka ale nan kou dapèl bay majè a oubyen reprezantan an. Men enfòmasyon sou kijan pou mennen nan kou dapèl :
1. Fòk demann apèl la fèt nan lespas senk (5) jou, eksepte wikenn ak jou konje, depi dat komandan divizyon an otorize oswa chanje sanksyon yo. Prizonye ki remèt fòmilè reklamasyon prizonye a ap fè apèl la.
 2. Majò a oswa reprezantan li ap konsidere valè apèl la baze sou kritè sa yo :
 - a. Èske te gen ase prèv pou bay enfraksyon an/yo janmdefòs ?
 - b. Èske te gen obsèvasyon machasyiv ak pwosesis yo ?
 - c. Èske sanksyon te enpoze dapre enfraksyon an ?
 3. Majò oswa reprezantan an ap swa aksepte oswa rejte desizyon an epi bay prizonye a yon repons nan lespas senk (5) jou (eksepte wikenn ak jou konje) reklamasyon prizonye a (apèl) resevwa nan biwo koòdinatè reklamasyon an epi apre li anrejistre.
 4. Se majò a oswa reprezantan an ki gen desizyon final la.

I. ENFÒMASYON SOU ATAK SEKSYÈL

I-1. ATAK SEKSYÈL

Anba 2003 Lwa sou Eliminasyon Vyòl nan Prizon (PREA), Depatman Koreksyon Biwo cherif Konte Palm Beach la angaje nan konsantre sou zewo tolerans sou zafè abi seksyèl / asèlman prizonye yo, swa pa anplwaye oswa lòt prizonye. Tout rapò

abi seksyèl/asèlman yo envestige san pèdi tan e delenkan yo ap mennen pa devan lajistis. Kòmandan Devlopman Pèsonèl ak Nòm yo chwazi kòm Koòdonatè PREA a.

Abi seksyèl se yon aksyon san konsantman ki fèt ak presyon nan menas oubyen britalite. Li vle di kontak ant bouch ak pijon, bouch vajan oubyen anis ; penetrasyon nan ouvèti jenital oubyen anal yon lòt moun, kèlkeswa si se yon ti kras, avèk men, dwèt oubyen lòt objè oubyen lòt enstriman. Li vle di tou manyen ekspres, swa dirèk oswa sou rad, jenital, anis, lenn, andedan kwis oubyen dèyè yon lòt moun, ikonpri pa aksidan nan yon goumen. Sa pa enkli yon bòn zak (bona fide) pou rezon medikal.

Atak seksyèl/asèlman afekte tout moun, swa dirèkteman oswa atravè esperyans yon moun nou renmen anpil. Se pa yon pwoblèm sèlman fanm genyen, li ka afekte nenpòt moun kèlkeswa sèks, laj, ras, gwoup etnik, pozisyon sosyo-ekonomik, preferans seksyèl, oubyen andikap moun lan.

PBSO ap sèvi ak enfòmasyon ou bay lè w te vini a pou enfòmasyon an ede n nan plasman nan bon kaz. Objektif nou se pou n separe prizonye ki ta gen chans pou yo viktim abi seksyèl nan men lòt ki ta kapab fè abi seksyèl. Plasman ak pwòjè pwogramasyon pou chak masisi, madivin, bi-seksyèl, “transgender”, “intersex”, oswa prizonye ki pa konfòme yo a sèks yo te fèt la “gender nonconforming” (GLBTIG) yo ap konsidere sou yon baz endividyel. Nou ap bay yon bon jan konsiderasyon a tout opinyon pèsonel nenpòt prizonye GLBTIG ki gen rapò ak sekirite li.

I-2. POU EVITE YON ATAK SEKSYÈL

Sèl fason yon atak seksyèl ka anpeche se lè yon moun ki ka vyole yon lòt moun chwazi pou li PA vyole lòt moun lan. Toutfwa, ou ka evite viktim yon atak si w pa bliye konsèy sa yo :

- Prete atansyon a sitiyasyon ki fè w enkonfòtab. Koute entyisyon ou a. Si w pa alè nan yon sitiyasyon, **KITE**, pa rete.
- Pa kite konpòteman ou anpeche w rete an sekirite. Pa pè di « **NON** » oubyen « **SISPANN KOULYE LA** ».
- Mache epi kanpe dwat ak anpil konfidans. Anpil moun ki agrese moun chwazi viktim ki bay lenpreseyon yo p ap goumen oubyen yo parèt pou yo gen feblès emosyonèl.
- Evite patisipe nan konvèsasyon sou sèks epi evite pwomennen toutouni. Yo ka konsidere bagay sa yo tankou yon avans, oubyen ka fè lòt prizonye yo panse ke w vle yon relasyon seksyèl.
- Pa aksepte atik ekonomat oubyen lòt kado nan men lòt prizonye. Yon fwa ou dwe yon lòt prizonye sa ka mete w nan pozisyon kote lòt prizonye a ka mande pou w repeye dèt la ak aksyon seksyèl.

- Evite zòn kote pa gen moun. Toujou rete nan anplasman kote anplwaye yo ka wè ou. Si yon moun mete presyon sou ou pou w ofri sèks, fè yon rapò tousyit bay yon anplwaye.

I-3. KISA POU FÈ SI YON MOUN VYOLE W

- Ale yon kote ki an sekirite. San pèdi tan rapòte ATAK LA BAY NENPÒT MANM PÈSONÈL LA.
- Ajans lan entèdi tout aksyon disiplinè pou rapò sou yon abi seksyèl ki fèt ak tout bònfwad dapre yon kwayans rezonab sou konpòtman ki swadizan te rive, menmsi yon ankèt pa tabli ase prèv pou jistifye akizasyon an.
- Plis ou rete tann pou fè rapò a pi plis li ap difisil pou yo jwenn prèv nesesè pou yon ankèt kriminel ak / oswa administratif.
- Ou ka gen gwo pwoblèm ou pa rekonèt, e nenpòt ki kontak seksyèl ka espoze w a maladi transmisib seksyèlman. Wap resevwa swen medikal imedyatman.
- Pa manje, bwè, chanje rad, lave, benyen, pran yon douch, rensè bouch ou, bwose dan w, pipi, oswa pou pou jouk yon espesyalis mediko-legal egzamine w. Nenpòt nan bagay sa yo ka detwi prèv enpòtan.
- Si ou se yon viktim oswa ou temwen yon atak, men ou menm ou pa ta vle fè rapò a bay yon anplwaye, ou kapab bay enfòmasyon an ba:
 1. Yon Pè
 2. Avoka w oswa defansè piblik
 3. Nenpòt ki anplwaye swen santé medikal oswa mantal
 Oswa ou kapab soumèt:
 1. Yon fòm demann pou prizonye oswa yon lèt
 2. Yon Plent
 Ou kapab rele Liy Dirèk pou kriz vyòl ki louvri 24 è sou 24 gratis sou sistèm telefòn prizonye yo an kòmansan pa chwazi lang ki kòrèk la, epi aprè, peze chwa 'collect' la, epi an dènye konpoze 7777, ki pral konekte w dirèkteman a seksyon an.
- W ap resevwa yon egzamen mediko-legal epi yo va refere w ba yon konseye dwa viktim.
- Ou pral resevwa swen adisyonèl medikal ak mantal pandan ke w nan prizòn an. Ou kapab mande tou pou wè yon founisè swen sante mantal a nenpòt ki lè ou ta santi ou bezwen li.
- Pa gen ankenn frè ki asosye ak swen ke yap ba ou pou swadizan atak sa a.

I-4. ENFÒMASYON POU PRIZONYE KI VYOLE LÒT PRIZONYE

- Dapre lalwa Florida, w ap gen yon akizasyon kriminel. W ap resevwa yon dosye sou disiplin. Si w deklare koupab, pinisyon yo ap serye.

- Yo va revise nivo sipèvizyon ou an ankò e yo kapab ogmante li, sa kapab enkli yon transfè nan yon nivo sekirite ki pi wo oswa yon inite ak mwens libète ak limit nan privilèj yo.
- Istwa etablisman ou ak ajisteman lojman ap rete sou dosye a, e pral enfluyans nan nenpòt lòt chwa lojman nan yon etablisman PBSO.
- Si w gen fanmi, kijan sa pral afekte yo e/oubyen kijan l ap afekte abilite yo pou yo vin rann ou vizit ?

I-5. SI W GEN PWOBLÈM KONTWOLE AKSYON W YO

- Chèche èd nan men anplwaye swen sante mantal yo.
- Reflechi pou wè si lap yon bon lide pou ou patisipe nan pwogram kreye pou kontwole kolè oubyen dimininye estrès.

I-6. POU REDYI SANTIMAN KOLÈ OUBYEN AGRESYON IMEDYA

- Chache jwen èd nan men yon anplwaye ki okipe bay Swen Sante Mantal oswa yon manm legliz.
- Eseye pale ak yon zanmi oubyen ekri yon lèt bay yon zanmi.
- Fè meditasyon oubyen egzèsis respiratwa pou ede w rilaks.
- Konsantre sou yon bagay ou renmen fè, oubyen kòmanse fè egzèsis.

I-7. ÈSKE W KONNEN

- Vyòl ka rive nenpòt fanm tankou gason kèlkeswa laj moun lan, depi tibene jis nan vyeyès.
- 98% nan gason ki vyole jèn gason di yo etewoseksyèl. Pifò nan gason ki atake gason ak fanm marye oubyen yo di yo gen menaj fi.
- Vyòl pa gen anyen pou wè ak oryantasyon sèksyèl viktim lan kounye la a oubyen nan lavni. Viktim ka swa etewoseksyèl oubyen omoseksyèl.
- Yon moun ki siviv pa responsab la pou vyòl la, menm si li te nan yon zòn dezètik, oubyen moun lan te bay moun ki te atake li konsantiman pou yon rapò seksyèl anvan atak la.
- Paske yon gason ki viktim yon vyòl ejakile oubyen bande pa vle di li pat vyole oubyen ke yo te konsanti pou aksyon seksyèl la. Reyaksyon sa yo se reyaksyon fizyolojik nòmal ki rive envolonètman.
- Li nòmal pou moun ki siviv vyòl gen santiman jèn, kolè, kilpabilite, panik, depresyon ak lapè menm pandan plizyè mwa oubyen ane apre atak la. Lòt reyaksyon nòmal ka pèdi apèti, lawouli oubyen mal vant, mal tèt, pèt memwa ak/oubyen twoub pou konsantre ak chanjman nan abitud nan dòmi.

J. PA FÒ NAN ANGLÈ

J-1. RÈGLEMEN SOU MOUN KI PA FÒ NAN ANGLÈ (LEP)

Depatman koreksyon nan biwo cherif Palm Beach County a (PBSO DOC) ofri prizonye ki pa fò nan anglè (LEP) (ak moun yo kenbe) epi manm piblik la (ak paran LEP timoun minè ke DOC kenbe), aksè nan enfòmasyon, dwa ak sèvis ki enpòtan. Moun LEP vle di moun ki gen lòt lang manman pase anglè epi ki pa twò byen li, ekri, pale epi konprann anglè. Prizonye LEP ap gen pou yo byen patisipe epi tou y

ap gen pou yo resevwa, nan lang yo pale, kominikasyon sou pwosede, pwogram ak sèvis enpòtan ; avètisman sou dwa ak responsablite ; pwosede ak aksyon pou disiplin ; sèvis ak demann pou swen medikal ak swen mantal ; ajistman pou relijyon, enfimite ak lòt ajistman, ak sistèm demann prizyonnye a. DOC la pa pran revanch ak prizyonnye epi ak piblik la poutèt yo fè demann pou èd nan lang etranje, epi DOC ankouraje epi fòme anplwaye yo pou garanti yo ka byen kominike ak moun ki LEP.



* Callers will remain anonymous. Up to \$1000 REWARD for information leading to the seizure of a firearm and an arrest.

1-800-458-TIPS

BAD GUYS/BAD GUNS - Crime Stoppers of Palm Beach County, Inc. Resevwa lajan kach pou enfòmasyon sou krim ak zam. Enfòmasyon moun ki rele a ap anonim. Gen REKONPANS \$1,000.00 maksimòm pou enfòmasyon ki ede pran yon zam epi arete yon moun. 1-800-458-TIPS